

KU HLAYISIWA ⁴

 Eka vanghana va hina va nkoka, hi tsakile ku tlhela hi vuya nakambe lahawani ekerekeni madyambu lawa. Ka kufumela nyana, kutani hi ta ringeta ku hatlisa hi laha hi nga ta kota hakona, hi kongoma xikan'we-kan'we eHungwini.

Xo sungula, hi na switiviso swin'wana swi lavaka ku tivisiwa, ni—ni xikombelo xo hlawuleka xa xikhongelo. Ndzi kumile mapapila ya n'wina lahaya endzhaku, lama nga tisiwa, kutani ni ra sesi loyi a twaka a ri ni rhumba ebyongweni. Kutani a kuri ni un'wana eLouisville; ni makwerhu un'wana wa ministara, tata wa yena a ri ni vuvabyi bya mbilu; kutani kwalahaya a kuri na votala, vanhu votala lava vabyaka emisaveni namuntlha. Votala vale ku foyineni kutani ha tiyisisa ku va khongelela hi timbilu ta hina hinkwato, leswaku Xikwembu xi ta hi pfuna.

Hi ntoloveloo kwalomo ka makume nkaye-ntlhanu wa tiphesente ta ministri wa mina va tano minkarhi hinkwayo, ku khongelela vavabyi, maswivona, kambe ntsena ndzi—ndzi wa mavonele ya—mavonele ya ku vona nyana sweswo... Ndza ha khongelela vavabyi, sweswi, tsundzukani sweswo. Sweswo swi ya emahlweni hi ndlela yaleyo na swona. Kambe, oho, loko hi nga kuma ke—ke kereke laha yi nga tshamisisiwa exiyin'weni xa yona, manuku, kutani yi va hi mukhuva lowunene leswaku hi nga ya hi ya tirha, maswivona. Yi kumeka yi ri leyi nga kondleteriwa, wa vona, hinkwaswo swi kumeka kun'we.

Ntsena swin'wana swi bile mbilu ya mina, xinkadyana lexi nga hundza. Kwalaho a kuri loko xikhlabayana xa khale, rin'wana ra mavoko ya xona ri duvuriwa, na nenge wu duvuriwa. A nga kona lahawani ku ndzi yingisa sweswi. Kambe hosana wa nakulorhi, hi vito ra Roy Roberson, kutani un'wana wa va trasti va hina lahawani ekerekeni, ni jinga yin'wana ya Mukreste wa kahle. U chikile kwalahaya, a ku, "Makwerhu Branham, u nga rivali Presidente." A ku, "Swi ndzi khomisile tingana loko ndzi n'wi vona a chika," loko ndzi n'wi vona eka thelevhixini, "loko yena a chika eka xihahampfhuka, mihioti yi ri karhi yi xiririka emarhameni ya yena, ni nomo wa yena wuri eku rhurhumeleni." Maswitiva, a ri kwalahaya na Roy na vona, eka—eka nyimpi yaleyo.

A swi na mhaka loko mi hambana na yena hi tipolitiki, wa ha ri Presidente ya hina. Ina, nkulukumba. Eka mina, ndzi—ndzi nga hava ndzi ri wa Xidimokrasi kumbe wa Rhiphablik. Ndzi Mukreste. Kambe ndza—ndza mi byela, nkarhi wu n'wana ndzi kumeka ndzi hlamala ngopfu hikokwalaho ka—ka Presidente Dwight Eisenhower. Nkulukumba, u ni ntiyiso

wa leswaku a ri munhu lonkulu, ku ya hi ku ehlleketa ka—ka mina. Loko a ha ri eku gangiseni nakambe, kutani ni ri eka nhlawulo, a ndzi ta tlhela ndzi hlawula yena nakambe. Sweswo hi swona. A ndzi na mhaka loko a nga va a ri—loko a nga va a ri ni malembe ya dzana hi vukhale, a ndza ha ta hlawula yena, hikuva ndza n'wi tsakela. Kutani a hi n'wi tsundzukeni eka swikhongelo swa hina madyambu lawa.

J.T., nkarhi wun'wana ndza yi khensa nhlengeletano ya leyo ya kahle, n'wina hinkwerhu, n'wina ni Makwerhu Willard mi ngava na yona vhiki leri. Loko a ndzi nghenile ndzi huma ehandle, n'wina hikwenu a mi ta ku, "Swi kahle, Makwerhu Branham sweswi, maswitiva, *so-na-so*." Kambe swi antswa ku yima ehandle ndzi mi yingisela, a mi swivoni xana? [Makwerhu Branham a hleka—Muhleri.] Swikahle. Swingaleswi, swi kahle swinene.

Ndzi kumile swihanani eka tikereke tin'wana, loko mi swi lava hinkwenu ka n'wina, loko mi tilulamiserile kuya va varisi sweswi, loko mi leteriwile. Kutani, laha, ndzi pfumelaka leswaku mi na kona, kutani hinkwaswo swi tshamisekile. Ndzi ni yin'wana eOregon, yin'wana eWashington, California, ni le Arizona, ni tindhawu to hambanana. Kutani loko mi lava ku va ni kereke kumbe swin'wana, hikokwalaho ka yini, kona kwalahawani i ndhawu ya kahle ku sungula ka yona, kona kwalahawani. Kutani ku ni mimoya leyi rilaka hinkwako, hambi ku ri evuhlayiselweni bya India ni kun'wana laha mi lavaka ku ya kona. Ntsena hi tiviseni, hikuva ndza pfumela leswaku n'wina vafana mi tiyisisiwile sweswi. Sweswo hi swona. Ntsena ndzi rhandza ku va vona loko va swi endla sweswo.

Ku ni Makwerhu Ruddell lahaya endleleni. Ku ya va ni nhlengeletano ya yena, eka masiku mantsongo. Ku ya va ni mpfuxelelo, laha ku nga ni Makwerhu Ruddell. Kutani ndzi—ndzi tsundzuka loko ndzi toloverile ku sukumetela nakulorhi yaloye lontsongo hinkwako, ku ri ku ringeta leswaku a huma eka ku paniwa kutani a chumayela. A ri wo hetelela. A nga ha ku, "Ntsena a ndzi nga swikoti ku vulavula." U fanele ku n'wi yingisela. Amen. Wa yona? A wu switivi leswi u nga swi endlaka loko u pfumelela Moya wo Kwetsima wu ku khoma. Hi swona sweswo.

Kutani Makwerhu Graham Snelling wa Utica, na Makwerhu Junior Jackson kwalahaya. Hi—hi va tekela enhlokweni tani hi tikereke ta vasesi nyana va hina, lava nga na hina. Hi kun'we hinkwerhu ka hina. A hi hambani hi tidyondzo ta hina, kumbe ku tshembha ni swikongomelo swa hina, tidyondzo ta hina, i tin'we. Hi yima kun'we, ntsena eka hinkwaswo kun'we. Ntsena hi kereke leyi nga yin'we. Kutani hi rhandza leswaku va hangalaka hinkwako; hi ni tin'wana

eAfrika, tin'wana eIndia, kutani ni hinkwako, ematikweni hinkwawo. Kwalaho hilaha hi va lavaka kona, leswaku va hangalasela Mahungu.

Kutani ndzi vona vanakulorhi lava lavantsongo va ri ekuteni, tani hi Makwerhu J.T. Parnell lahawani, na—na Makwerhu Willard na vona, loko va ha ri ekuteni, vanakulorhi lavantsongo, loko ndza ha dyuhala. Loko kuri hi leswaku ku tava ni mundzuku, va tava vavanuna valava va mundzuku. A ndzi swi lavi leswaku Hungu leri ri fa. Ntsena a ri nga fi. Ri ta hanya ku ya emahlweni. Nakona a ndzi pfumeli leswaku ha ha ri ni nkarhi wo leha ku Ri yisa emahlweni.

Ricece leri va nge teri ri ya eku feni, ndzi mi vona mi ri na rona siku hinkwaro namuntlha, sesi. Sweswo swi kahle ngopfu. Hi khensa Hosi eka sweswo, leswaku Hosi i ya musa, yi tele hi tintswalo. Ntsena tshama u ri karhi u pfumela leswi u nga byeriwa swona lahawani, wa vona, u tava kahle.

Sweswi, ma tiphina hi ku dyondzisiwa xana? Ma swi tsakela ku dyondzisiwa xana? [Nhlengeletano yi ku, "Amen."—Muhleri.] Oho, ndzi—ndzi—ndzi ehleketa leswaku yi hi khoma kahle. Ya hi wisisa nyana ku khongelelela vavabyi, ni swivono, ni ku hanyisiwa ka Matimba. Hivuva, sweswi, madyambu lawa hi... Endzhaku ka xikhongelo, hi ta tlhela hi khongelelela vavabyi, madyambu lawa. Minkarhi hi nkwayo hi lava ku endla sweswo, hi khuvula un'wana ni un'wana nkarhi wun'wana ni wun'wana.

Xana i vangani va ha tsundzukaka loko ndzi famba hi tiphawa? Kunene, ndzi fambile hi tiphawa, minkarhi yo tala, laha a ndzi fanele ku famba timayili ta makume nharhu hi siku emananga. A ndzi ri ni madzana mbirhi na makume nhungu wa timayili leti a ndzi fanele ku ti famba. A ndzi fanele ndzi famba hikwalahaya, hembhe yi ri evokweni ra mina, kutani, oho, ni karhala swinene, hi ku famba emakhwatini ya kona, ni ku tsemelela swiluva swa rihlaza. Ndzi hlangana ni n'wamapurasi un'wana wo dyuhala kutani ndzi tshama ehansi ka nsinya kutani ndzi vulavula na yena hi ku khuvuriwa hi Vito ra Hosi Yesu. U vurile leswaku, "Kunene, minkarhi hinkwayo ndzi lava ku khuvuriwa."

Ndzi ku, "A hi le kule ni xinkobbyana." Kutani u teri...

Kutani ndzi tekile vo tala va vona ndzi ya va khuvula hi Vito ra Yesu. Ndzi tlhela ndzi vuyela endleleni, ntsena hi ku tika tani hilaha ndzi nga kota ha kona. Sweswo hi swona. Minkarhi yo tala loko ndzi ri ka swiambalo swa mina swa ntirho, ndzi khuvula un'wana, loko ndzi huma epalen. Ndzi tshama ehenhla lahaya ndzi tirha hi ku tsemekanya pala; a ndzi ri munhu wa malayini, swinene, ndzi tirha hi ku tsemekanya pala, na wanuna, loyi a ndzi vulavula na yena hi Hosi. U teri, "Hikokwalahi ka yini, Billy, rin'wana ra masiku lawa ndzi ta ta ekerekeni ya wena ndzi ta khuvuriwa."

² Ndzi ku, "Xana hikokwalaho ka yini wa ha hlwela? Hi le kusuhi nale nambyeni, ku ni mati yo tala lahaya." Ma khumbhi sweswi. Hi swona. Walowo hi wona nkarhi. Filipi u teri . . .

³ Mutsheniwa u teri eka Filipi, "Hi lawa mati, incini xi nga hi sivelaka?" Hi swona sweswo. Ku hava. Loko u ti yimiserile, walowo i nkarhi. U nga pfumeleli Javulosi a nghenisa swin'wana. U nga veki swilo u swi vekela mundzuku swilo leswi u nga swi kotaka ku swi endla namuntlha. Mundzuku swi nga ha endleka a ngavi kona eka wena. Ndzi tsundzuka siku rin'wana loko ndzi tava ndzi swi endlile sweswo, ni dyondzile, swi ndzi dyondzisile dyondzo. Ndzi tshikile swin'wana leswi a ndzi fanele ndzi swi endlile siku rin'wana, hi siku leri a ri landzela a swi nga ha koteki.

⁴ Sweswi, ndzi tiyisile a ndzi lavi ku mi khomeleta eka lowu nkarhi. Kambe ntsena swingaleswi—swingaleswi ndzi lava ku horisa xilondza, kutani, a ndzi tivi, ntsena ndzi titwa kahle ku fikela laha ndzi vaka ehandle ka vumina, hakanyingi. Ntsena ndzi titwa kahle ngopfu.

⁵ Sweswi a hi korhamiseni tinhloko ta hina ntsena xinkadyana loko hi nga si ya eRitweni.

⁶ Tatana wa hina wa le Matilweni, Wena Xikwembu lexi hanyaka, lexi hanyaka hilaha ku nga heriki. Dyambu leri ntsena ri peleke, dyambu leriya ri nga rin'we, Daniel u ri langutile loko ri pela, Yeremiya u ri langutile loko ri pela, Adamu u ri langutile loko ri pela, Yesu u ri langutile loko ri pela. Kutani ka hari misava yin'we leyi va hanyeke eka yona niku famba kona, kutani Wena wa ha tshamise xi sweswo u ri Xikwembu.

⁷ Madyambu lawa ku ni swikombelo swo tala. Wanuna loyi a nga ni tshumba ebyongweni, sesi loyi u chava swona. Hi tshembhe Wena ntsena, Hosi, eka sweswo. Leswaku tshumba lero ri nga ha hundzuka lunya, kuhava lexi nga yimisiwaka. Swo va ndlela ya ku ya fika emavokweni ya dokodela. Kambe madyambu lawa hi famba ni xipelupelu nyana, endzhaku ka xinyimpfana xexo, ku xi vuyisela endzhaku eka xivala xa tinyimpfu ta Tatana. Hi Vito ra Hosi Yesu hi kongomisa xikhongelo xa hina ku dlaya nghala, tshumba, lunya, ku va yisa exivaleni xa tinyimpfu hi ku hlaiseka.

⁸ Kutani hina, Xikwembu, hi tsundzuka Presidente wa hina madyambu lawa loyi a rhandzekaka, makwerhu, Dwight Eisenhower wa hina. U rhangerile tiko, Hosi, u ringetile ku hi fambilisa ekule ni nyimpi. U tshembhisile leswaku nyimpi ya Koriya yi ta fika emakumu loko a nga swi kota. U tshembhisile vamanana lava leswaku u ta tlhela a va vuyisela majaha ya vona. Kambe u teri, "Ku va mina ndzi swi endla, a ndzi nga swi endlili. Ndzi nga ha endla matshala-tshala ya mina, kambe Xikwembu xi ri xoxe hi xona xi nga ta swiendla." Kutani

Wena a wuri na yena, Hosi, kutani sweswi swi tshamisekile. Xana hikokwalaho ka yini va nga swi vonanga sweswo emasunguleni xana? Xikwembu, ndza khongela leswaku U ta n'wi pfuna. Katekisa moyo walowo wa nhenha, Hosi. Kutani ha khongela leswaku U ta hi hlawulela murhangeri loyi a nga ta landzela. Ku hlawula ka wena ku ta endliya, Hosi.

⁹ Kambe Loyi hi n'wi tsakelaka ngopfu madyambu lawa, ehandleni ka timhaka ta tiko ra hina, hi ya loye wa kahle ni tintswalo Loyi a taka a ta tshamisisa Mfumo lowu nga ta pfumala makumu, Hosi Yesu, N'wana wa Wena. Kutani va ta khondla mavoko, ku gongondza ku ta twala kutani a ku nga havi ni tinyimpi. Va ta rima mansimu ya vhinyo niku dya mihandzu ya yona. Va ta aka tindlu, va tshamisa eka tona. Kutani a ku nga havi ni makhombo endzhaku ka sweswo.

¹⁰ Hi katekise sweswi loko ha ha tshunelela Rito. Kutani, Tatana, Wena u tivaka xivangelo xa ku tshunelela Rito kusuka eka Matsalwa lawa ya nga lahwani. Swi hi kokwalaho ka kuva ndzi—ndzi titwa U lava leswaku ndzi swiendla hi ndlaleyi, sweswo i ku tirhandzela ka Matimba ya Wena, swile ka xileriso xa Wena, swi le ka... i xileriso xa siku, ku pfumelela vanhu va kuma xiyimo xa vona ni kuva va tilulamisela awara ya nyimpi. Tani hilaha makwerhu a vuleke ha kona exikhongelweni xa yena eka Wena xinkadyana lexi hundzeke, "Oho, U hi leterile nkarhi lowo leha, Hosi." Sweswi, Tatana, hi nyike swiyimo swa hina. Hi veke eka leswi hi faneleke ku swiendla, swingaleswi hi nga ha va eka ntirho wa Tatana. Ha swi kombela leswi hi Vito ra Yesu, N'wana Wa Wena. Amen.

¹¹ Hi ngava hi vile ni nhlikanhi wa kahle enhlikanhini lowu, a hi ri eku vulavuleni ni dokodela leri tivekaka eLouisville, muongori wa yena. Va twile hi swin'wana swa tintswalo ta Hosi. Kutani tatana wa yena a ri dokodela. Kutani u tile a fika a tshama ekamareni ra mina nhlikanhi hinkwawo, ntsena u nghanile, a ti tshamelia kona. Munhu wa kahle ngopfu; kumbexana wo nonohwa nyana, maswitiva, un'wana la tshembhekaka, mu-Presbyterian wa xiviri ku sungula hi swona, kambe u tshikile mihloti yi xiririka emarhameni ya yena. Oho, ndzi... Ntsena Xikwembu xi va kuma va damarherile hinkwako, etihofisini ta vadokodela, ni le ka vaongori. A ndzi pfumeri leswaku ku ni muongori eNorton's Infirmary Hospital loyi ndzi nga n'wi byelangiki vumbhoni bya ku va ni Moya wo Kwetsima, kutani ndzi n'wi vutisile loko a khuvuriwile hi Vito ra Yesu. Ku nga ri dokodela loyi ndzi tihlanganiseke na yena, kun'wana ni kun'wana, kumbe swin'wa.... Wa vona?

¹² Va byeleni ha Wona. A ha hari ni nkarhi wo tala, makwerhu. Swi nga ri ni mhaka leswaku swi nonohwa njhani lahwani, ntsena yimani ku kondza mi tsemakanya ku hefemula kwaloko

ko hetelela kutani mi vona, kutani mi ta ti navelela ku va mi swiendlile. Ina, nkulukumba. Mi nga yimi ku kondza nkarhi wolowo, a hi swiendleni ka hari sweswi. Leyi hi yona awara. Oho, va nga ha kaneta, ni kuva ni nkahelo ni huwa nyana ya swona, kambe a va swi hanyi. A va swi hanyi ha kunene. Va—va—va kahle hinkwavo. Va ta va ta mi bela huwa, ntsena—ntsena tsundzukani, a va—a va swi hanyi hakunene. A va swi hanyi. Ntsena va nga va kumbexani va dyondzisiwile swin'wana kutani va tibohelela eka swona, swingaleswi mi—mi ta vona mianakanyo ya vona. Mi nga rhaselani na vona, mi nga rhasi na un'we, kambe ntsena va rhandzeni eka Wona. Kutani miva khongeleta.

¹³ Kunene, ndzi ehleketa leswaku hi fikile eka vhese ya vu9, a ndzi na ntiyiso. Teto i tindlela to leha kusukela eka papila ra vu3, xana a hi swona, vavanuna? Oho, Tova vulombe lebyi nga etambeni, eka mina! A hi ri eku vulavuleni sweswi, tsundzukani, swingaleswi hi ta tlhela hi kuma masungulo nyana nakambe. Kutani sweswi, Makwerhu Neville, mi—mi ndzi khwenuta swintsongo loko ndzi hluleka ku vona nkarhi loko wu famba, leswaku ndzi ta kota kuva ni xikhongelo xa vavabyi. Hi lava ku nghena eka thonsi rin'wana ni rin'wana leri hi nga ri kotaka. Kutani madyambu lawa ndzi lava ku vitana lava nga twa rito. Ndzi... Ta hetelela hi leswi ndzi nga ta swikota ku swi hlaya hi nkwaswo ka swona.

¹⁴ Kambe xikongomelo xa leswi, i ku, vona swiyimo swa n'wina eka Kreste, ku vona leswaku a kova swin'wana leswi mi khunguvanyekaka eka swona, kumbe swin'wana leswi swi nga ha va ka... mi swi tekelerile kun'wana, kambe hi leswi Xikwembu xi mi endleleke swona, hi Xoxe. Ku nga ri hi ku mi kahle hikokwalaho mi yeke nale kerekeli madyambu man'wana, laha makwerhu un'wana wa xisiswana a mi rrangeleke ku ya e altareni. Kutani a hi swona sweswo. A kuri Xikwembu, ku nga siva ni masungulo ya misava, xi mi hlawulerile eka Vutomi lebyi nga Heriki. Loko mi fika kwalahaya siku lero, a swi hlamarisanga loko makume mune... makume mbirhi-mune wa vakulumba va hluvurile tihari ta vona, un'wana ni un'wana u yi vekile ehansi hari ya yena, un'wana ni un'wana a wa hi mombo, va ri hava lexi va nga xivulaka, ku ri hava muchumayeri, ku ri hava nkulukumba wa kereke, ku ri hava nchumu. Hinkwaswo swi dzunisa Xinyimpfana! Xikwembu xi ta hlengaleta swilo hinkwaswo eka Yena hi siku lero. Oho, loko a hi tshame hi switiva niku swi tekela enhlokweni leswaku Yena a ri Mani loyi va n'wi vambeke. Sweswi eka...

¹⁵ Hi ta sungula hi vhese ya vu8, leswaku hi kuma nyana masungulo swintsongo.

Leti xi hi tateleke tona hi vutlharhi hinkwabyo niku ehleketa hinkwako;

Xi hi tivisile xihundla xa ku rhandza ka xona, . . .

¹⁶ “Swihundla swa ku rhandza ka Xona.” Kutani tsundzukani hi laha hi nga dewurisa xiswona eka sweswo? I vangani lava a va ri kona mixo lowu lahawani, a hi voneni. Hilaha hi nga tshitshingana ha kona eka sweswo, “xihundla xa ku rhandza ka Xona.” Sweswi, ntsena a kova xilo lexintsongo, kutani i xihundla. Ku rhandza ka Xikwembu i xihundla. Kutani munhu un’wana ni un’wana u fanele ku tilavela ku rhandza ka Xikwembu yena hi yexe, xihundla xa Xikwembu.

¹⁷ Xana hi swi kuma njhani xana? Paul, swi tivisiwile eka yena. U teri a nga swi kumanga eka munhu, a hi swa nyama ni ngati. A nga ya nga exikolweni, a nga yanga eka seminara. A nga na leswi a swi endlaka ha swona. Kambe u...Swi hlavuteriwile eka yena hi Yesu Kreste, Loyi a hlanganeke na yena endleleni yo ya eDamaska, hi—hi Rihat i tani hi Langavi ra Ndzilo, kutani Ri n’wi vitanile. Kutani u yile eArabiya, a ya tshama kona malembe manharhu. Oho, xana a wu swi anakanyi leswaku a kuri nkarhi wun’wana, Makwerhu Egan? Malembe manharhu Paul a ri kwalahaya Arabiya, va n’wi hirhele muako nyana wu ntsongo kun’wana, a ya ehenhla nale hansi eka floro, a ri ni matsalwa-songwa ya khale. A va nga ri na lamatshwa; Paul u ma tsarile, ha ka nyingi. Eka wona matsalwa-songwa lawa ya khale, leswi Xikwembu xexo, emasunguleni, xi hi hlawuleleke eka Vutomi lebyi nga Heriki. Leswi Yesu Xi nga ta n’wi rhumerisa xiswona, leswaku hi Ganzelo leri hinkwenu hi tava ni nfanelo eka Murhi wa Vutomi. Lava Xi va tiveke eku sunguleni, Xi va vitanek; lava Xi va vitanek, Xi va endlile lava lulameke; lava Xi va endleke lava lulameke, Xi va kwetsimisile. Xikwembu, ku sukela emasunguleni ya misava, xi hi hlawurile xi hi endla vana. Sweswi ntumbuluko hinkwaswo wule ku konyeni, wu rindzerile ku vonakarisiwa ka vana va Xikwembu. Oho, ndza swi ankanya loko Paul a ha ri ni nkarhi wa kahle. Ndzi tsakela loko a ndzi ri kwalahaya na yena. Xana n’wina a mi swi tsakeli xana?

¹⁸ Kutani a ku, “Xi hi tivisile xihundla.” Mikumeka mi ri karhi mi kuma Moya wo Kwetsima nkarhi wun’wana, kutani loko Wu sungula ku famba kutani ntsena hlalelani leswaku Wu fambisa ku yini. E nhlikanhi ni lowu ndzi vile, oho, ni kwalomu ka makume nharhu wa timinetse ndzi ri karhi ndzi hlaya, ntsena ku languta dyondzo; kumbexani ku ri hava, ndzi ta vula xiphemu eka sweswo, khume ntlhanu wa timinetse exikarhi ka minkarhi. Kutani ndzi tikumile ndzi ri eku tsutsumeni, kutani ndzi ehleketa, “Xihundla, xana i swilo muni swa xihundla!” Kutani Matsalwa ya ndzi vuyeserile endzhaku eka Testamente ya Khale, kutani ndzi tlhelela eka Testamente Leyintshwa; ku boha swin’wana kun’we, ku vona xihundla xa ku Vuya ka Yena, xihundla xa ku rhandza ka Yena, xihundla xa hina xa kuva hi tshama kun’we. Tsundzukani, swi nga ka swi nga

dyondzisiwi eka seminara. I xihundla. Mi nga ka mi nga switivi hi ku ya exikolweni, hi ntivo-vukhongeri. I xihundla lexi nga tumbetiwa kusukela emasungulen i ya misava, ku rindzela ku vonakarisiwa ka vana va Xikwembu.

¹⁹ Ndzi byeli, buti wa mina, ndzi byeleni, sesi wa mina, hi wihi nkarhi lowu vana va Xikwembu va nga tshama va vonakarisiwa ehandle ka lowu nkarhi sweswi? Xana hi kwihi eka matimu laha ku nga tshama ku va ni nkarhi, laha va vonakariseke nkarhi wa ku kutsuriwa ka ntumbuluko hinkwawo? Ntumbuluko, ntumbuluko hi woxe wu le ku konyeni, wu ri ku rindzeleni ka nkarhi wa ku vonakarisiwa. Hikokwalaho ka yini, loko ku rivalelana ku nga se endliya, Moya wo Kwetsima wu nga se cheriwa, ku nga si va ni hinkwaswo—hinkwaswo swa Testamente ya Khale, kwalahaya ehansi, a ku nga tava niku vonakarisiwa. A swi fanele ku rindzela ku kondza ku fika nkarhi lowu. Sweswi hinkwaswo swi tisiwile, swi fikile, swi le ku vumbeni ka nhloko ya ribye, ku vuya eka ku vonakarisiwa ka vana va Xikwembu, kutani Moya wa Xikwembu wu ta eka vanhu lava, swingaleswi hi ku hetiseka, ku kondza loko ministri wa vona wu va ekusuhi ni wa Kreste ku fikikela laha wu ti hlanganisaka na Yena ni kun'we ni Kereke ya Yena.

²⁰ Xana i vangani lava nga tshama va dyondza hi matimu ya tiphiramidi xana? Ndza bvumbha leswaku kumbexani manana un'wana u yimisile voko ra yena lahwani. Swikahle.

²¹ Xikwembu xi tsarile Tibibele tinharhu. Yin'wani ya tona a yi ri Zodiaka ya le swibakabakeni, yaleyo i Bibebe yo sungula. Vanhu a va fanele ku langutisa ehenhla ku vonisisa leswaku Xikwembu i xa le henhla. Va landzelela Zodiaka, xana mi kale mi nga swi dyondza ke? Hambi swi ri tano yi nyika nguva yin'wani ni yin'wani, hambi ku ri nguva ya khensa. Yi nyika masungulo, emasu...ku tswarewa ka Kreste. Xana hi xihi xivumbeko xo sungula xa Zodiaka xana? Wa nhwana. Xana hi xihi xivumbeko xo hetelela? Leo laha ku nga nghala. Ku Ta ro sungula niku Vuya ra vumbirhi ka Kreste, hinkwaswo ka swona swi tsariwile kwalahaya.

²² Kutani Bibebe leyi landzelaka yi tsariwile, a yi ri eribyeni, yi vitaniwa “tiphiramidi.” Xikwembu xi tsarile eka tiphiramidi. Loko mi nga tihlaya, mi languta matimu ya khale ni tinyimpi, leswi a va akise xiswona ku nga si va ni ku onhaka hi ndhambhi.

²³ Ya vunharhu yi tsariwile ephepheni, Bibebe, hikuva hi leyikulu, ya kahle eka misava leyi ntlhariheke leyi nga tata. Sweswi, tani hilaha Xikwembu xi fambeke ha kona eka nguva, hi leka Leo laha ku nga nghala. Hi leka nguva ya ku ambexiwa ka phiramidi. Hi le ka Buku ya Nhlavutelo, eka papila ro hetelela. Sayense yi ri hi le ka timinetse tinharhu ku nga si va exikarhi ka vusiku. Oho, ehlaketani hilaha hi nga kona.

²⁴ Kutani xiyisisani, a hi tekeni phiramidi, swa olova. Yi famba tani hiloko yi ri eka thirayiengele.

²⁵ Loko ha hari lahawani ekusungulen i ka nguva yo sungula ya kereke, endzhaku ka Rhifomexini emikarhini ya Lutere, ntsena loko wanuna a ha tivula leswaku hi yena Mukreste, a nga hava a vula vutomi kumbe rifu ra yena. Va n'wi dlayile va n'wi dlayela kuva a virile leswaku u Mukreste. Swingaleswi ku nghena eka ku xanisiwa... Nguva yin'wani ni yin'wani, enkarhini wun'wana ni wun'wana, a kuri ni ku xanisiwa. "Kambe hinkwavo lava rhandzaka ku hanya hi vukhongeri lebyi nga ka Yesu Kreste va ta xanisiwa." Enguveni ya Luther, a swi chavisa ngopfu ku vula leswaku "Mulutere." A mi ta tekiwa mi ri lava hoxeke, kutani a mi ta dlayiwa. Minkarhi yo tala va va dlayele etimhandzeni, kutani va va hisa, kutani ni swin'wana, ku vula leswaku Valutere.

²⁶ Kutani kereke yi larile, tani hi phiramidi. Yi fikile eka goza rin'wana ra tintswalo, laha a kuri ku kwetsimisiwa. Hi minkarhi ya Wesley, loko a tava a alelanile ni kereke ya Anglican, a dyondzisa hi ku kwetsimisiwa. Yi fikile eka nhlayo leyintsongo nakambe, kutani a va vitaniwa ntlawa wa vahoxi.

²⁷ Xana i vangani lahawani lava a va ri va Methodist, kumbe lava a va toloverise xisweswo, kumbe lava nga kala va tihlanganisa na kereke ya Methodist? I hafu ya n'wina. Xana maswitiva leswaku kereke ya Methodist yi kale yi va ni Moya wo Kwetsima nkarihi wun'wana xana? Ndzi yile eka tikereke ta Methodist kutani ndzi va vona va wela ehansi, kutani va haxiwa mati emimombyeni ya vona va tlhela va va bela moya hi fene, va sivela Moya wo Kwetsima leswaku wu nga enhleli eka vona. Hi swona sweswo. Sweswi, walowo i ntiiyiso, ehansi ka tinhlohlori ta Kentucky laha a hi ri na va Methodist. N'wina vanhu mo va ntsena va joyini va kereke lahawani. Hi vile ni va Methodist lahaya endzhaku, ni va Baptist. Hi yile eka altari ni kuva hi phakatana eminhlaneni ku kondza hi kuma swin'wana. Hi huma eka swona, hi hanyile ku hambana endzhaku ka sweswo.

²⁸ Kambe ntsena mi ta mi ta tsarisa mavito ya n'wina ebukwini kutani mi ku, "Ndzi mu-Methodist." Kutani mi nyunyuteriwa nyana munyu mitlhela mi haxiwa nyana hi swimatana, kutani sweswo hi swona hinkwaswo ka swona. Mi jika-jika mi ambale swo koma, ni ku tiphontsa-phontsa, mi nghenela ni mphikizano wa tihanci, mi beja, mi bindzurisa, mi tlanga ni michini ya tilotho ni swin'wana, hambi swiritano ma ha ri va-Methodist va kahle, wa vona. Sweswo a hi vu-Methodist. Valavo vo va vajoyini va kereke. Hi swona. Baptist, swa fana, Presbyterian, ku ya ehansi va fana.

²⁹ Tani hilaha David du Plessis a nge te, "Vatukulu, Xikwembu xi hava vatukulu." Xikwembu a xi kalanga xi nga

va ni ntukulu. Xi ni vana, kambe a xi na vatukulu. Hi swona. N'wina...kutani vanhu lava yaka eka kereke ya Methodist, kumbe ekerekeni ya Pentekostal, kumbe kereke ya Baptist, hikokwalaho ka kuva manana wa n'wina kumbe tatana a ri wa Pentekostal kumbe Baptist, kutani n'wina mi vatukulu. A va ri vana. N'wina mi vatukulu, wa vona. Swingaleswi Xikwembu xi hava swo fana na sweswo. Kereke yi na swotala swa sweswo, kambe ku ngari—kambe ku ngari swa—ku ngari swa—ku ngari... Xikwembu xi hava.

³⁰ Sweswi, xiyisisani leswi, ku ya ehansi ku kondza yi fika ehansi sweswi, tani hiloko yi va yi nga ha talanga, kereke. Nguva ya Pentekostal yi nghena. Leyi nkarhi wun'wana yi nga tsema tibambara to tala yi tisusa. Xana yi edlile yini? Ntsena yi lo siya Methodist na Lutheran hinkwato endzhaku.

³¹ Sweswi Moya wo Kwetsima wu fambile wu suka eka nguva ya Pentekostal. Xana va endlile yini? Va tikondleterile, va tiendla vona hi vox, "Hi va Assemblies of God. Hi va Oneness. Hi va Twoness. Hi va church of God. Hi va *leyi*, kumbe *yaleyo*. Loko mi nga weli, a mi nge ngheni eTilweni handle kaloko mi tsarisa mavito ya n'wina ebukwini ya hina." Oho, thyaka lero! A ndzi na mhaka loko mi ri va Baptist, Methodist, Presbyterian, mi tsarisa mavito ya n'wina eka Buku ya Vutomi loko Xikwembu xa ha ma vekile kwalahaya. Loko mi hlawuleriwile eka Vutomi lebyi nga Heriki, Xikwembu xi ta mi vitana hi ndlela yin'wana, hi mukhuva wun'wana, hi ndlela yin'wana—yin'wana kumbe swin'wana. Xi ni ntiyiso wa leswaku xi ta swi endla. "Hinkwaswo leswi Tatana a nga Ndzi nyika swona swi tata eka Mina." Swi nga ri na mhaka leswaku mi wela eka kereke yihi, sweswo a swi nge endli nchumu ha yona. Kambe dinominexini a yi nge mi endleli nchumu, kambe yi ta mi bela matsanyu ku ya emahlweni ni Xikwembu, kambe a yi nge—a yi nge endli swin'wana. Yi ta mi hlengaleta kun'we ni ntlawa wa vapfumeri ni lava nga riki vapfumeri. Hakunene, mi ta hlangana ni sweswo hinkwako laha mi yaka kona, kutani va na swona sweswo hambi kuri Tilweni. Swingaleswi, swikahle, kambe mi languterile eka dinominexini ya n'wina. Langutani eka Yesu, hi Yena a ri Un'we loyi ku languteriwaka eka Yena.

³² Sweswi tani hiloko hi ri karhi hi ta eka leswi va nga...na swona...Xana i vangani...Ndza pfumela leswaku wansati loyi a yimiseke voko ra yena lahwani, u dyondzile hi tiphiramidi. Maswitiva, phiramidi a yi kalanga yi ambexiwa. Xana a yi nga ri tano? A ku kalanga ku va ni ribye ra xihuku leri yi ambexiweke rona. A va kalanga, a ve nge swikumi hambi ku ri ku swi kuma. A va kalanga va switiva ni leswi swi nga tshama swi humeleta eka yona. Hikokwalaho ka yini? Hikokwalaho ka yini ribye ra xihuku ri nga ambexiwanga eka yona, nhloko ya ribye, ehenhla ka yona? Hikuva va N'wi a

rile loko A ta. A ri Ribye leri aleriweke. Hiswona. Kambe ri ta ambexiwa. Hiswona. Kutani maribye lawa ya ringaneleke ya nga rhendzela Nhloko ya leyo ya ribye, ma ta fanele kuva maribye lama nga ta fana ni Ribye lero hi ku hetiseka, sweswo swi ta ri ringanelan, ma hlanganana hinkwako—hinkwakonkwako. Phiramidi yi hetisekile a mi nge swikoti ku fambisa xisingwani eka wona, laha maribye ya vona ya fambaka swin'we. Muaki ya loye wo saseka. Man'wani ya wona ya tika madzana ya ti thani ehenhla emoyeni, kutani niku hetiseka loku vekiweke kun'we.

³³ Yaleyo hi yona ndlela leyi Xikwembu xi tisaka kereke ya Xona. Ha ringanelana ku hlanganyela kun'we, hi va mbilu yin'we ni moya wun'we. Sweswi un'wana u ri, "Kunene, ma Lutere endzhaku lahaya a va ni nchumu." A mi swi pfumeli. Ma Lutere va ta humeleta hi siku ra ku pfuka ka vafi ntsena tani hi lava van'wana va nga ta humeleta eku pfukeni ka vafi. Baptist, Presbyterians, ni hinkwavo vana va Xikwembu, va ta humeleta eku pfukeni kwaloko ka vafi. Kutani xexo hi xona xivangelo namuntlha lexi xi endlaka leswaku vanhu va ku, "Oho, kunene, ku tava ni pfuxelelo lowu nga ta kukula lowu wu nga ta huma lahwani kutani wu ponisa dzana ra miliyonira ma Vapentekostal. Hinkwavo va tava lava ponisiweke kutani va ta Vutliwa." Mi hoxile. Ku Vutliwa kwaloko ku tava ku ri ka madzana ya magidi, hiswona, kambe va ta endliwa hi ntsevu wa magidi wa malembe ya ku ponisiwa, ntsevu wa magidi ya malembe lawa ya hundzeke. Munhu u famba eku Vonakaleni tani hi loko ku Vonakala ku te eka yena, u tsemakanyile mabiloho loko a ta eka vona. Sweswi, loko a Swi ala, kutani u sala emunyameni. Kambe loko a ya emahlweni!

³⁴ Sweswi, xiyisisani, kutani ku Vuya ka Hosi Yesu ku kusuhi swinene ku kondza Moya lowu nga ehansi lahwani... ntsena wu hlayisa ku lulama, ku kwetsimisiwa, nkhuvulo wa Moya wo Kwetsima, kutani sweswi eka nkarhi wa ku vuya ka Nhloko ya ribye. Kereke yi fanele ku hetiseka tani hi Kreste ku kondza Kreste ni Kereke va hlangana kun'we, hi Moya wo fana. Kutani loko Moya wa Kreste wu ri eka n'wina, Wu mi endla mi hanya vutomi bya Kreste, mi va ni maendlelo ya vutomi bya Kreste, mi endla mintirho ya Kreste. "Loyi a pfumelaka eka Mina, mintirho leyi Ndzi yi endlaka u ta yi endla na yena." Yesu u vule sweswo. Wa vona? Sweswi hi ya va ni, hi ni ministri lowu taka ntsena lowu wu fanaka ni vutomi bya Kreste. Xana ministri walowo hi nga wu xakahata na yini xana? Ni ku Vuya ka Hosi.

³⁵ Swi languteni emisaveni namuntlha, kutani mi languta leswi Khrushchev a swi vulaka, hinkwaswo leswi n'wana leswi kulu, ni ntlimbo lowukulu wa misava hinkwayo wule kusuhi, nkarhi wun'wana ni wun'wana, swi nga ha va mapa sekono yin'wana ni yin'wana. Hiswona. Kutani loko sweswo,

ha switiva leswaku sweswo swi kusuhi. Munhu un'wana ni un'wana la nga ni vuxiya-xiya a nga ha swi hlaya eka phepha-hungu kumbe a yingisela eka xiya ni moyo, kutani a switiva leswaku swi kusuhi. Kunene, tsundzukani, Kreste u ta tela Kereke ya. Yena sweswo swi nga si humelela. Swingaleswi ku kusuhi njhani ku Vuya ka Hosi Yesu? Kumbexani loko xikhongelo lexi xa madyambu lawa xi nga si fika makumu. Hi le nkarhini wa makumu. Kunene-nene i ntiyiso.

³⁶ Langutani kereke loko ya ha ta, tani hi loko yi famba. Ntsena yi tekeni hi miehleketo ya n'wina, n'wina vamatimu lava dyondzeke matimu. Langutani eka kereke ya Lutheran ehansi ka ku lulama, ntsena yi ta yi huma ya ha ri yintshwa eka Xikhatholiki, langutani hilaha yi fambaka ha kona. Kutani mi languta Wesley loko a tshunelela nyana swintsongo, eka ku kwetsimisiwa, a ri karhi a koweta eka Matsalwa. Langutani kahle exikarhi, eka Wesley. Kutani lexi nga landzela a kuri nguva ya Pentekostal. Kutani nguva ya Pentekostal a kuri ya ku vuyelerisa ka tinyiko, tinyiko ta ximoya. Sweswi, langutani eka nguva leyi taka sweswi eka Nhloko ya ribye. Xana ma swivona leswi ndzi swi vulaka xana? Ku Vuya ka Hosi, swi tivisiwile. Xikwembu ni swivumbiwa hinkwaswo swi rindzerile kereke leswaku yi kuma xiyimo xa ndhawu ya yona.

³⁷ Khombo ra kona namuntlha, ndzi... swo saseka swi kusuhi ni un'wana ni un'wana loyi ndzi hlanganeke na yena. Ndzi vumbulukile ndzi huma, a hi ri eku tekeni... Ndzi fanele ku va ni xikambelwana xa xinyama, maswitiva, loko hi ya endzhandzheni wa malwandle, n'wina vamixinari ni van'wani maswitiva sweswo. Loko ndza ha ri eku tekeni ka xikambelwana lexi va ndzi humesile ekamareni, a ndzi ri eku nweni ka sweswo swa khale... va ndzi langutile tani hi mbodza, kumbe swakudya, kumbe swin'wana, kutani a ndzi—ndzi ri ku nweni ka swona. Kutani ku huma kwalaho, ndzi tshamile ehansi, ndzi rindzerile ku ringana hafu ya awara ku vona loko swi ta huma ekhwirini ra mina kumbe swi nga humi. Ndzi langutile ku tsemakanya lahaya, kutani kwalahaya a kuri ni wansati lontsongo, a languteka ntsena tani hi loko a lava ku fa. A ri... ni milenge leyintsongo ni mavoko lamantsongo. Kutani a ndzi tshamela ro ya emahlweni kusuka eka wanuna loyi ku ya eka wanuna luyani, wanuna loyi ku ya eka wanuna luyani, ndzi tshunelela wansati, ku kondza ndzi fika laha a ri kona. A languteka tani hi xin'wana lexi a xi lava ku fa. Kutani ndzi n'wi tshunelerile, ndzi ku, "Ndzi khomel, manana."

A ku, "Xana u swi endla njhani?" Oho, a vabya swinene!

Kutani ndzi ku, "Xana ku humelele yini?"

³⁸ A ku, "Ndzi yile eTucson ku ya endzela nhwana wa mina. Ndzi kumile uvabyi, a va swi kumanga leswaku xivangelo i yini."

³⁹ Ndzi teri, “Ndzi lava ku ku vutisa xilo xin’we.” Ndzi ku, “Ndzi muchumayeri wa Evhangeli. Xana u Mukreste xana? Xana u ti yimiserile ku famba loko awara yaleyo yi fika xana?”

Kutani u teri, “Ndzi wa kereke ya *Swingere-ngere*. ”

⁴⁰ Ndzi ku, “Xexo a hi xivutiso lexi ndzi nga ku vutisa xona. Xana u Mukreste loyi a nga tatiwa hi Moya wa Xikwembu ni ku tilulamisela ku famba loko Xi ku vitana xana?” Wansati a nga kalanga a switiva hambi kuri ku switiva leswi a ndzi vulavula hi swona. Wa vona? Oho, swi ni vusiwana njhani ku vona laha misava yi nga kona!

⁴¹ Sweswi, “xi hi tivisile swona swihundla swa ku ti rhandzela ka Xona,” ku ta ka... Mi nge ndzi mi hlayela swin’wana. A ndzi ri eku hlayeni ka... Sweswi a hi pfuleni eka “xihundla xa ku ti rhandzela ka Xona.” A hi pfuleni eka va-Heberu lahawani ntsena xinkadyana, papila ra vu7 ra va-Heberu, ndzi pfumela leswaku hi yona. Kutani ndzi tsakela ku mi hlayela swin’wana leswi ntsena swi nga ta mi endla mi ti twa kahle loko hi ehleketa hi ku tshama kun’we evuakwini bya le Tilweni. Va-Heberu, papila ra vu7.

Hikuva Melkisedek yaloyi, (sweswi langutani) hosi ya Salem, muprista wa Xikwembu lexi nga henhla-henhla, ...

⁴² Xana i yini xihundla sweswi? Hi lexi xihundla lahawani, langutani leswi. Xana i mani Nakulorhi loyi, “a endlaka, a tivaka, xihundla xa ku ti rhandzela ka Xona,” Melkisedek ya loyi? Ndzi yimele un’wana ni un’wana lahawani, Tibibele ta ha ri eku pfuriweni. Va-Heberu, papila ra vu7, Paul wa vulavula, munhu la tifanelaka wa va-Galatiya.

Hikuva Melkisedek yaloyi, hosi ya Salem, muprista wa Xikwembu lexi nga henhla-henhla, ... a nga ya hlangana na Abraham siku a vuyaka eku hlulenka tihosi, a va a n’wi katekisa;

Loyi kutani Abraham a nga n’wi pambulela, vukhume bya xuma hinkwaxo; loko va hlamusela vito ra yena, va nge Hosi ya ku lulama, ... va engeta... Hosi ya Salem, (Xana i mani Nakulorhi yaloyi?) hi leswaku, Hosi ya ku rhula;

La nga riki na tatana, hambi a ri manana, hambi ri ri rixaka, a nga riki na ku sungula ka masiku, kumbe makumu ya vutomi; ...

⁴³ Xana a ri mani Wanuna loyi? Xana A ri mani? A nga kalanga a va na tatana, A nga kalanga a va na manana, A nga kalanga A va ni masungulo, kumbe a tshame a va ni nkarhi lowu A nga faka. A nga hlangana na Abraham siku a vuyaka eku hlulenka tihosi. Xana a endla yini? U yile a ya kuma Lot, makwerhu wa yena loyi a lahlekeke, ku n’wi vuyisela endzhaku. Kutani u hlurile tihosi; leti, tonna tihosi

leti hluriweke; ndzi pfumela leswaku i khume kumbe khume ntlhanu wa tihos, ni mimfumo ya vona. Kambe Abraham a hlomisa malandza ya yena kutani ya n'wi sala hile ndzhaku, a ti ava yena hi yexe hi vusiku, wa vona, loko a n'wi khoma hi nkarhi wa vusiku. Oho, makwerhu, hi tirha emunyameni sweswi, Rivoni rin'we ntsena leri hi nga na rona i Rivoni ra Evhangeli. Kambe u ti avile hi yexe, kutani a n'wi khoma a n'wi vuyisela endzhaku. Kutani endleleni ya yena yo vuyela endzhaku, endzhaku ka loko nyimpi yi herile!

⁴⁴ A hi yeni eka Genesa 14, ntsena xinkadyana, leswaku hi kuma xitorhi kahle erivaleni. A hi yeni emahlweni lahawani eka Genesa, ya vukhume mu-...ndza pfumela leswaku i ya vu14, Genesa 14. Ina, a hi tekeni Genesa 14:18, ku sungula. A hi sunguleni nyana swintsongo hi nga se nghena eka sweswo. A hi sunguleni, ina, hi vhese ya vu18, Genesa 14:18, "Kutani Melkisedek..." Sweswi, yaloye i Abraham a vuyaka eku hlulenka tihosi. A ri eku vuyen, endleleni loko a ri eku vuyen, a ri karhi a vuyisa Lot, ni vanhu hinkwavo lava a va tekiwile. Hinkwavo!

⁴⁵ Tani hi Davhida, loyi a nga ya a ya kuma...Xana Davhida u endlile yini? U tekile xipelupelu nyana, a ya vutla xinyimpfana a xi susa enon'weni wa nghala. Ehleketa hi xipelupelu, a sala xinyimpfana hi le ndzhaku. Xana i mani emisaveni loyi a nga swi endlaka sweswo? Ndzi byeleni munhu loyi a nga swi endlaka lahawani, yimisani mavoko ya n'wina. Ndzi ta mi byela hi ku hatlisa leswaku ma hoxisa. A mi ndzi vonanga ndzi yimisa ra mina. Ee, a ndzi nge n'wi sali endzhaku ni makume nharhu-ntsevu, hi ku tika. Kambe u n'wi sarile endzhaku hi xipelupelu, lexi langutekaka tani hi xikhadya nyana, ni swintambiana nyana swimbirhi leswi swi nga eka xona, a xi ndziwuluta xirhendzeleka. Hikuva...Kutani loko ku fika nkarhi wa kuva Goliyadi a ti tiyisa, u sarile Goliyadi hi le ndzhaku, kutani a ku, "Xikwembu xa le Tilweni xi ndzi pfumelerile leswaku ndzi ntshunxa xinyimpfana enon'wini wa nghala, ni xi humesa nale enon'weni wa bere." A switiva leswaku a ku nga ri xipelupelu. A kuri matimba ya Xikwembu lawa a ma famba na yena. Hi Xona lexi xi vuyeriseke xinyimpfana endzhaku.

⁴⁶ Kutani sweswo hi leswi hi swi vulaka namuntlha. Xikwembu xi kumile Davhida a ri kwalahaya, ina nkulukumba, sweswo i ku byisa nyimpfu ya Tatana. Kutani loko xikan'we kan'we tshumba ri ta, kumbe mfukuzani yi ta, kumbe swin'wana, kutani yi tlula yi suka emavokweni ya dokodela. Sweswo a swi nga ta n'wi yimisa Davhida, a ta huma a sala nakulorhi yaloye hi le ndzhaku, ni xipelupelu lexi ntsongo, xa ku, "Kombela xin'wana ni xin'wana hi Vito ra Mina, mi ta endleriwa swona." A ndzi na mhaka, va dokodela va nga ha hleka, kutani un'wana ni un'wana a nga ha n'wi hleka, u ta

n'wi sala hi le ndzhaku hi ndlela yin'wana, a vuyisela nyimpfu ya leyo etshangeni. Ina, nkulukumba. I n'wana wa Xikwembu, susa voko ra wena eka yena! Wisela nghala leyi ehansi, kutani nghala yi pfuka, a yi khoma hi malebvu kutani a yi dlaya; xifanyetana xa ndzumulo, nkarhi wun'wana a xi tika makume nhungu kumbe makume nkaye wa tiphondzho.

⁴⁷ Langutani. Melkisedek, Hosi ya Salem hi leswaku Hosi ya ku Rhula, laha kahlekahle Salem yi tshameke hiku tsemakanya xiganga. I Hosi ya Yerusalem, leswi a Yi ri xiswona. Sweswo hi swona hakunene leswi a Yi ri xiswona, Hosi ya Yerusalem. Laha, Yerusalem ekusungulen a yi vitaniwa Salem, hi leswaku ku rhula; kwalaho a kuri Yerusalem ro sungula, loko ri nga si vitaniwa Yerusalem. A ri Hosi ya Yerusalem. A ri Hosi ya ku lulama, Hosi ya ku rhula, Hosi ya Salem. A nga ri ni tatana, A nga ri na manana, A nga ri nikusungula ka masiku, A nga ri ni makumu ya vutomi, A nga ri ni rixaka. Oho, oho, oho! Xana a kuri mani Nakolorhi yaloyi? N'wi languteni. Endzhaku kaloko nyimpi yi herile, endzhaku kaloko ku hluriwile, langutani leswi A swivuleke. "Kutani Melkisedek," vhese ya vu18, papila ra vu14, ra Genesa.

Kutani Melkisedek hosi ya Salem a ta ni vuswa ni vhinyo: a ri muprista wa Xikwembu xa le henhla-henhla.

Kutani a n'wi katekisa, a ku, A ku katekisiwe Abram i Xikwembu xa le henhla-henhla, n'winyi wa matilo ni misava:

A ku katekisiwe Xikwembu xa le henhla-henhla, lexi nyiketeke valala va wena evokweni ra wena. Kutani a n'wi pambulela ku avanyisa ka vukhume ka hinkwaswo.

⁴⁸ A hi hlayeni ku yisa emahlweni swintsongo.

Kutani hosi ya Sodoma yi byela Abraham, Ndzi nyike tinhloko, wena u teka vukosi.

Kutani Abram a hlamula hosi ya Sodoma, Ndzi tlakusela voko eka HOXI, Xikwembu xa le henhla-henhla, n'winyi wa matilo ni misava, (Yingiselani hilaha a swi komiseke ha kona, ham, hilaha a n'wi nyikeke ha kona!)

Hambi ma ri marinya eku fika ka ringole ra ntanghu, ndzi nga ka ndzi nga teki nchumu lexi nga xa wena, u nga vuli nchumu... u nga ta vula u ku, kutani u ku, u nga ta vula u ku, Ndzi fuwisile Abram:

Loko ti nga ri timbuva ta majaha, . . .

⁴⁹ Xiyisisani Melkisedek loyi tani hiloko A hlanganaka na Abraham loko a vuya eku hluleni ka tihos. Xihundla xa Xikwembu xi endliwe xi tiveka sweswi! Xana A ri mani? Ku hava loyi... Va nga ka va nga makumi matimu ya Yena, hikuva A nga ri ni tatana, A nga ri ni manana, A nga kalanga A va ni nkarhi wa masungulo, A nga kalanga a va ni nkarhi

lowu A nga kala a fa, swingaleswi Yena Loyi a ri kona wa ha hanya. A nga kalanga a va ni masungulo, swingaleswi A nga kalanga a va un'wana kambe El, Elah, Elohim; yena la nga ni matimba, yena loyi a tshamaka a ri kona, Xikwembu xa Matimba hinkwawo!

⁵⁰ Yesu a ri ni Tatana, Yesu a ri ni manana; Yesu a ri ni masungulo ya masiku, Yesu u vile ni makumu ya vutomi bya laha misaveni. Kambe Wanuna loyi a nga ni tatana hambi manana, amen, a nga ni tatana hambi manana. Yesu a ri na vona havumbirhi Tatana na manana. Wanuna loyi a ri hava tatana hambi manana. Amen. Kutani xana U endlile yini, endzhaku kaloko nyimpi yi herile, endzhaku kaloko Abraham a tekile xiyimo xa yena?

⁵¹ Endzhaku ka loko kereke yi tava yi tekile xiyimo xa yona, hi vitaniwile leswaku hi endlowi vana, hi Moya wo Kwetsima. Kutani loko munhu un'wana ni unwana a teka xiyimo xa yena, lexi Xikwembu xi n'wi vitaneleke ku xi endla, ni ku yima emakun'wini ya patu, ku landza lava lahlekeke.

⁵² Xo sungula, Paul u susile ku chava hinkwako, swingaleswi sweswi, "Loko mi vitaniwile, loko mi nga pfuxiwanga emiehlekeweni ya n'wina hi maendlelo man'wana ya ntivo-vukhongeri; loko hakunene mi tswarewile hi Moya, kutani Xikwembu xi mi hlawurile ku nga si va ni masungulo ya misava, xi nghenisa mavito ya n'wina eBukwini ya Vutomi ya Xinyimpfana, kutani sweswi hita hi ta tshama kun'we etindhawini ta le Matilweni eka Kreste Yesu. Vanhu vo kwetsima, rixaka ro kwetsima, vanhu lava yelanaka, vaprista vale vukosini, lava nyikelaka magandzelo ya ximoya eka Xikwembu, yaleyo i, mihandzu ya milomo ya hina leyi nyikaka ku dzunisa Vito ra Yena."

⁵³ Vanhu va ta nghena kutani va ku, "Vanhu va kona va penga." Hakunene va tano; vutlharhi bya Xikwembu i vuphukuphuku eka vanhu, ni vutlharhi bya vanhu i vuphukuphuku eka Xikwembu. Va kanetana, un'wana eka un'wana.

⁵⁴ Kambe Moya wa ntiyiso wu tata kereke, yi tala hi matimba ya Xikwembu, hi tshamile kun'we etindhawini ta le Matilweni, hi nyikela magandzelo ya ximoya, ku dzunisiwa ka Xikwembu, Moya wo Kwetsima wu famba-famba exikarhini ka vona, wu ri karhi wu xikisa xidyoho ni ku humesa nchumu lowu wu nga exikarhini ka vona lowu hoxekeke, wu swi lulamisa wu tlhela wu swi patlalarisa niku swi ringanisela. Hikuva hinkwalaho ka yini xana? Minkarhi hinkwayo eVukoneni bya Xikwembu ku ni Xithhavelo xexo xa ngati.

⁵⁵ Sweswi tsundzukani, hi yile eka swona mixo lowu. A mi ponisiwanga hi Ngati, mi *hlayisiwa* niku ponisiwa hi Ngati. Kambe mi ponisiwile hi tintswalo, hi ripfumelo, hi ku pfumela

eka Rona. Xikwembu xa gongondza etimbilwini ta n'wina hikuva Xi mi hlawurile. Mi langutile ehenhla kutani mi pfumela eka swona, mi swi amukela. Sweswi Ngati yi endla ku rivaleriwa ka swidyoho swa n'wina. Tsundzukani, ndzi teri, "Xikwembu a xi avanyisi mudyohi hikokwalaho ka ku dyoha." O va mudyohi ku sungula hi swona. Xi avanyisa Mukreste loko a dyoha. Kutani hikokwalaho ka kuva Xi n'wi avanyisile, Kreste u tekile ku avanyisiwa ka hina. Swingaleswi a ka hari ni ku avanyisiwa eka lava va nga ka Kreste Yesu, lava nga fambiki hi ku navela ka nyama, kambe hi ku navela ka Moya. Kutani loko mi endla xin'wana lexi nga hoxeka, a hi leswi swi nga vomu. A mi dyohi hi vomu. Munhu loyi a dyohaka hi vomu, u ya a ya dyoha ha vomu, a nga ka a nga fiki eka Miri walowo. Kambe munhu loyi a nga kala a va kwalahaya, u file, kutani vutomi bya yena byi sirheleriwile eka Xikwembu, ha Kreste, byi lemeriwa hi Moya wo Kwetsima, kutani Javulosi a nga ka a nga n'wi kumi, u le kule endzhaku lahaya. U ta fanela ku huma kwalahaya Javulosi a nga si n'wi kuma. "Hikuva n'wina mi file!"

⁵⁶ Byelani munhu loyi a feke leswaku i mutikukumuxi kutani mi vona leswi nga ta humelela. N'wi rhahalen i ethlalo kutani mi ku, "wena mutikukumuxi wa khale, wena," a nge vuli ni rito. Kutani sweswo hi swona, ntsena u ta ti pavalalela kwalahaya.

⁵⁷ Kutani munhu loyi a feleke eka Kreste, mi nga ha n'wi vitani mutikukumuxi, mi nga n'wi vitana swin'wana ni swin'wana leswi mi swi lavaka, a nge kali a vula nchumu ha swona. Loko swin'wana, u ta rhetemukela kun'wana a ya mi khongeleta. Sweswo hi swona. Kambe, oho, van'wana va vona va ha hanya. Sweswo hi leswi ndzi ehleketa ha swona, hi fanele ku lahla vanhu lava feke. Vona lava feleke eka Kreste, hi va lahla ematini. Minkarhi yin'wana hi lahla vanhu vo tala ngopfu lava hanyaka, va taleriweke hi lunya ni madzolonga, kutani va tele ngopfu ekerekeni. Kambe a hi nga swi hambanyisi sweswo, kambe Xikwembu xa swi endla. Xi tiva vanhu va Xona. Xi tiva nyimpfu ya Xona. Xi tiva rito rin'wana ni rin'wana. Xi tiva vana va Xona. Xi tiva loyi Xi nga n'wi vitanaka, Xi tiva loyi Xi n'wi hlawuleke. Xi tiva loyi Xi n'wi nyikeke swilo leswi, loyi Xi ti tivisaka Xona ha yena. Hi laha Xi... Xikwembu xi nga ha veka ku tshembha eka vana lava va nga va Xona, eka leswi fanelaka ku endliya, xi ri karhi xi switiva leswaku va ta swi endla hi ndlela hi yaleyo.

⁵⁸ Xana ma swi pfumela leswaku Xikwembu xa swi endla sweswo xana? Hikokwalaho ka yini, Sathani a teri eka—eka Yobo siku rin'wana... u teri eka Xikwembu siku rin'wana, "Ina, U ni nandza."

⁵⁹ Xikwembu xi teri, "Ku hava na un'we emisaveni la fanaka na yena. I munhu la hetisekeke." Ndza n'wi tshembha.

⁶⁰ Sathani a ku, "Oho, ina, u kumile hinkwaswo hi ku olova. Ndzi pfumeleri ndzi va na yena nyana kutani ndzi ta n'wi endla a Ku rhukana exikandzeni xa Wena."

⁶¹ Xi ku, "Ndzi n'wi veka emavokweni ya wena, kambe u nga teki vutomi bya yena." Wa vona? Kutani u endlile hinkwaswo kambe a nga tekanga vutomi bya yena.

⁶² Kambe, oho, Yobo, ematshan'wini ya...xana u endlile yini? Xana u rhukanile Xikwembu loko Xikwembu xi tava xi tekile vana va yena, loko a tava a endlile hinkwaswo swo biha eka yena, ni hinkwaswo? Yobo a nga vutisanga. U wile hi mombo kutani a gandzela, haleluya, a ku, "Hosi yi nyikile kutani Hosi yi tlherile yi teka, a ku dzunisiwe Vito ra Hosi!" Kwalaho mi nga kona.

⁶³ Xikwembu a xi tiva ku tshembha ka Xona eka Yobo. Xikwembu xa switiva leswaku Xi mi tshembha ku fika kwihi. Xa switiva leswaku Xi ndzi tshembhisa ku yini. Kambe leswi hi vulavulaka hi swona sweswi i ku tshamisisiwa ka n'wana loyi.

⁶⁴ Sweswi, loko Bibele...Loko nyimpi yi herile hinkwako, loko hinkwaswo swi herile, kutani xana i yini lexi hi fanelaka ku xi endla xana? Xana i yini lexi hi xi endlaka loko nyimpi yi herile xana? Xana ma switiva leswi hi swi endlaka? Hi hlangana na Melkisedek. A hi pfuleni Matewu 16:16, hi ku hatlisa, hi vona loko kuri ntiyiso kumbe wu nga ri wona. Mukwe. Matewu, papila ra vu16 na vhese ya vu16. Ndzi ni ntiyiso wa leswaku yaleyo hi yona, Matewu 16:16. Matewu ya vukhume ntse.... Ee, ya leyo a hi yona, yi ngaka yi ngavi ekusuhi hi ndlela yaleyo. 26:26. Oho, 16 lahwani, A ri ku vulavuleni na Simon Petro; ndzi khomeleni, a ndzi nga lavi ku vula sweswo. 26:26, hikuva i xilalelo xo hetelela, kwalaho hilaha ndzi ringetaka ku nghena kona. Matewu, papila ra vu26 ni vhese ya vu26. Sweswi ha n'wi kuma lahwani, lahwani hi nga kona, eka xilalelo xo hetelela.

Kutani loko va ha dya, Yesu a teka xinkwa, kute loko a nkhenstile, a xi phema, a nyika vadyondzisiwa va Yena, a ku, Tekani, mi dya; lowu i miri wa mina.

Kutani a teka xinwelo, kutani a nkhensta, a va nyika xona, a ku, Nuelani ka xona hinkwenu;

Hikuva ley i ngati ya mina ya ntwanano lowutshwa, ley i halateriwaka lavo tala eku rivaleriweni ka swidyoho (s-w-i-d-y-o-h-o, swidyoho, Vakreste lava endlaka swo hoxeka).

⁶⁵ Hiswona, "Kambe-kambe..." Yingiselani, vhese ya vu29.

...Ndzi ri ka n'wina, ku sungula sweswi a ndzi nga ha nwi leswi velekiwaka hi vhinya, ku ko ku fika siku leri ndzi nga ta swi nwa na n'wina swi ri leswi tshwa eku fumeni ka Tatana.

⁶⁶ Yini? Leswi fanaka ni leswi Melkisedek a nga swi endla endzhaku kaloko Abraham a kumile xiyimo xa yena. A tshamisia vavanuna va yena hi ndlela leyinene, kutani a hlula nyimpi, a vuya ekaya, hiloko Melkisedek a humelela ni xinkwa ni vhinyo. Endzhaku kaloko nyimpi yi herile, kutani hi ta dya Nkhuvo wa Xilalelo na Hosi Yesu emisaveni leyi ntshwa. Oho, a ku dzunisiwe Vito ra Hosi. Swilulamile.

⁶⁷ “Swihundla swa ku tirhandzela ka Xona, hi ku titsakela loku ku nga ka Xona lokunene,” ku tlhelela endzhaku nakambe eka va-Efesa, 9, “hilaha Xi nga ti kanelela ha kona Xona n’winyi.”

Leswaku minkarhi leyi vekiweke hi xona loko yi herile...

⁶⁸ Kutani tsundzukani leswaku, ntsena hi hundzile eka swona. Va-Efesa, papila ra vu1, vhese ra vu10.

Leswaku minkarhi leyi vekiweke hi xona loko yi herile...

⁶⁹ Sweswi, hi dyondzile leswaku ku hetiseka ka minkarhi ku rindzele yini? Ku hetiseka ka minkarhi hinkwayo, nkama lowu vudyoho byi nga ta hundza, nkama lowu rifu ri nga ta hundza, nkama lowu vuvabyi byi nga ta hundza, nkama lowu vudyoho byi nga ta hundza, nkama lowu miencyeto hinkwayo (leyi encenyetaka swilo, leyi Javulosi a yi encenyeteke) yi ta hundza, loko nkama wona hi woxe wu ta hundza. Langutisani.

Leswaku minkarhi leyi vekiweke hi xona loko yi herile leswaku xi ta hlengeleta... hinkwaswo eka Kreste, hambi swi ri swa le matilweni, hambi swi ri swa laha misaveni; hambi eka yena:

⁷⁰ “Ku hlengeleta hinkwaswo eka Kreste.” Tani hilaha ndzi vuleke emixweni lowu, hinkwaswo swibuwana swo khwaxa swa nsuku leswi hi swi kumaka, swilu nyana leswa kahle, mi nga ha vapholicha eka Genesa, mi nga ha va pholicha eka Eksoda, mi nga va pholicha eka Levitika, kutani mi va tisa, kutani eka Nhlavutelo va ta hetelela va vile Yesu. Mi teka Yosefa, mi teka Abraham, mi teka Isak, mi teka Yakob, mi teka Davida, mi teka un’wana wa mabuwa lawa ya nsuku, vanhu lava va Xikwembu, kutani mi languta loko mi nga voni Yesu Kreste loko a kombisiwa eka un’wana ni un’wana wa vona. “Leswaku Xi nga ha hlengeleta hinkwaswo eka Un’we, Kreste Yesu.”

⁷¹ Sweswi, kuya nyana emahlweni swintsongo sweswi, sweswi vhese ya vu11.

Kambe eka yena hi nyikiwile ndzhaka,...

⁷² Oho, “ndzhaka.” Un’wana u fanele ku mi siya ni swin’wana, ku dya ndzhaka ya swona. A hi swona xana? Ku dyia ndzhaka! Xana i ndzhaka yihi leyi hi nga na yona? Xana

i ndzhaka yihi leyi ndzi nga na yona? A ndzi na yin'wana. Kambe Xikwembu xi ndzi siyerile ndzhaka loko Xi tava xi vekile vito ra mina eBukwini ya Vutomi ya Xinyimpfana ku nga si va ni masungulo ya misava.

⁷³ Oho, mi ri, "Sweswi, yima nyana, makwerhu, Yesu u swi endlile sweswo loko A tava a mi ferile." Ee, A nga swi endlanga. Yesu u tile a ta ndzi xavela ndzhaka yaleyo. A hi hilayeni vhese leyi landze-... ntila lowu landzelaka.

Kambe eka yena hi nyikiwile ku kombisa... hi nyikiwile ndzhaka, hilaha hi nga hlawuriwa ha kona khale hi makungu ya loyi a tirhaka swilo hinkwaswo hi ku hisekela ka rirhandzu ra yena:

⁷⁴ Xikwembu, ku nga si va ni masungulo ya misava, tani hilaha hi swi tekeke eka dyondzo hi enhla na swona, n'wina vanhu, hi laha hi swivoneke ha kona leswaku Xikwembu i xa matimba hinkawo, laha leswi swi nga eka Xona ku nga rirhandzu. Eka Yena a ku fanele kuva ni Xikwembu; a ku ri hava lexi hi nga xi gandzelaka eka Yena. Eka Yena a ku fanele kuva ni Tatana; ku fanele ku va ni... A ri hi leswi a ri xiswona hi Yexe. Eka Yena a kufanele kuva ni Muponisi; ku ri hava lexi lahlekeke. Eka Yena a ku fanele kuva ni Muhanisi. Yaleyo i Mintumbuluko ya Yena. A kuri hava nchumu lahaya. Swingaleswi hi Xona hi Xoxe, hi huvo leyи yi nga ya Xona xi humesile swilo leswi, leswaku hi Wanuna loyi a nga un'we, Kreste Yesu, xi nga swi hlengeleta kun'we hinkwaswo nakambe. Oho! "Tihlo a ri vonanga, nd leve a yi..." A swi hlamarisi i nchumu wa xihundla!

⁷⁵ Langutani, "xi hi hlawulele eka ndzhaka leyи." Loko ndzi ri mudya-ndzhaka lonene wa swin'wana, loko Xikwembu xi ri eku gongondzeni embilwini ya mina kutani xi ku, "William Branham, Ndzi ku vitanile khale nkarhi lowu hundzeke, ku nga si va ni masungulo ya misava, ku ta chumayela Evhangeli," ndzi ni ndzhaka, ndzhaka ya Vutomi lebyi nga Heriki. Sweswi, Xikwembu xi rhumerile Yesu ku endlela leswaku ndzhaka ya leyo yi va ya ntiyiso eka mina, hikuva kuhava lexi ndzi nga xi endlaka ku-ku yi dya. A yi nga ri ni nchumu, a yi hundzeriwile, a ku ri hava lexi ndzi nga xiendlaka. Kambe eminkarhini ya makumu Xikwembu xi rhumerile, hi nkarhi lowu wu nga wa Xona wa kahle, Yesu Xinyimpfana, lexi dlayiweke kusukela emasunguleni ya misava. Ngati ya Yena yi halatiwile leswaku ndzi nga ha ya eka ndzhaka ya mina. Kuva yini, xana ndzhaka yihi? Ya vun'wana, kuva n'wana wa Xikwembu.

⁷⁶ Kutani Leswi ntsena swi nga ha mi hlamarisela ro fa. Kambe xana ma switiva leswaku vavanuna lava va nga vana va Xikwembu i swikwembu nyana xana? Xana i vangani lava va switivaka sweswo? Xana i vangani lava va switivaka leswaku

Yesu u vule tano? A Bibeleni, Yesu u teri, "Xana nawu wa n'wina a wu vulanga, wona hi woixe, leswaku mi 'swikwembu'? Kutani loko mi va vitana swikwembu . . ." Laha, Xikwembu xi nga swivula eka Genesa 2 leswaku a va ri swikwembu, hikuva a va ri swona, a vari ni ku fuma loku ku hetisekeke ehenhleni ka ku fuma ka misava. Xi n'wi nyikile kufuma swilo hinkwaswo. Kutani u lahlekeriwile hi yukwembu bya yena, a lahlekeriwa hi vun'wana bya yena, a lahlekeriwa hi ndhawu ya yena, kutani Sathani a yi teka. Kambe, makwerhu, hi rindzerile ku vonakarisiwa ka vana va Xikwembu lava va nga ta vuya va ta yi teka nakambe. Hi rindzerile ku hetiseka ka nkarti, loko phiramidi yi ya enhla emaninginingini, laha vana va Xikwembu lava hetisekeke va nga ta kombisiwa, laha matimba ya Xikwembu ma nga ta huma (haleluya) niku teka matimba hinkwawo lawa Sathani a matekile eka yena. Ina, nkulukumba, i ma yena.

⁷⁷ Hi yena Logos loyi a humeke eka Xikwembu, walowo i ntiyiso, yaloye i N'wana wa Xikwembu. Kutani Xi endlile munhu kuva xikwembu nyana. Kutani Xi ku, "Loko va vitana lava Rito ra Xikwembu ri nga tela vona, vaprofeta, loko va va vitana 'swikwembu' lava Rito ra Xikwembu ri taka hi vona . . ." Kutani Xikwembu xi vule tano, xona hi Xoxe, leswaku a vari vona swikwembu. Xi byerile Muxe xi ku, "Ndzi ku endla xikwembu, kutani u endla Aroni muprofeta wa wena." Amen. Heyi! Ndzi nga hava ni maendlelo ya n'wa ntlhadyana wa mukhongeri, kambe a ndzi yena. Oho, loko mahlo ya n'wina ya nga pfuleka kutani mi vona swilo leswi. Swikahle hinkwaswo. Xi endlile munhu leswaku a va xikwembu, xikwembu endhawini ya yena. Kutani ndhawu ya yena yi famba kusuka elwandle ku ya elwandle, kusuka eribuweni kuya eribuweni; u ni vulawuri eka yona.

⁷⁸ Kutani loko Yesu a tava a tile, a ri Xikwembu Xin'we lexi nga riki ni xidyoho, U swi tiyisisile. Loko xihuhuri xi hunga, A ku, "Ku rhula, miyela!" Amen. Kutani loko nsinya, A ku, "Aku ni munhu loyi a nga ta dya eka wena."

⁷⁹ "Ndzi tiyisisile, Ndzi ri ka n'wina, n'wina swikwembu nyana, loko mi nga ku eka ntshava leyi, 'suka,' kutani mi nga ri niku kanakana etimbilwini ta n'wina, kambe mi pfumela leswaku leswi mi swi vuleke swi ta endleka, swi ta endleka leswi mi swi vuleke."

⁸⁰ Tlhelelani endhaku eka Genesa, eka masungulo, xana i yini? Sweswi misava ni ntumbuluko swi le ku gomeleni, niku rila, hinkwaswo swa tsekatseka. Yini? Hikokwalaho ka ku vonakarisiwa ka vana va Xikwembu, laha vana va ntiyiso, lava nga tswariwa va ri vana, vana lava tatiweke lava vulavulaka kutani rito ra vona ra seketeriwa. Ndza pfumela leswaku hi le ndzelekanini wa rona sweswi. Ina, nkulukumba. Mi nga ku eka ntshava leyi, swi va tano.

⁸¹ “Makwerhu, ndzi–ndzi navela *leswi-ni-leswi*, xin’wana leswaku xi endliwa. Ndzi mupfumeri eka Yesu Kreste.”

⁸² “Ndzi mi nyika swona hi Vito ra Hosi Yesu Kreste.” Amen. Ku ni ku vonakarisiwa.

⁸³ “Oho, makwerhu, swirimiwa swa mina swi le ku tshweni halahaya. A ndzi kalanga ndzi va na mpfula.”

⁸⁴ “Ndzi ta ku rhumela mpfula, hi Vito ra Hosi.” Lahaya u tata. Oho, eku rindzeleni, eku konyeni, ntumbuluko hinkwawo wu le ku rindzeleni ka ku vonakarisiwa ka vana va Xikwembu. Xikwembu xi swi xiximile emasungulen. Xi nyikile munhu ndhawu.

⁸⁵ Xi nyikile Yesu Kreste, kutani Yesu u swi nyikile hi Vito ra Yena, hi xitsembhiso lexi, “Kombelani xin’wana ni xin’wana eka Tatana hi Vito ra Mina kutani Ndzi ta swi endla.” Oho, Makwerhu Palmer! Hi rindzerile ku vonakarisiwa ka vana va Xikwembu, exiyin’weni, xa kereke!

⁸⁶ Tani hilaha ndzi vuleke, Buku ya va-Efesa i Buku ya Yoxuwa, kutani Yoxuwa u veka vanhu laha va welaka kona. Sweswi, loko va nga swi koti ku yima va nga ninginiki, kutani u vekile Ephraim lahwani, kutani nile tikweni ra Manase, kutani *loyi* un’wana u ta vuya a ri karhi a ba huwa leyi nga pfuniki nchumu ni vungwavavani, xana va ta famba kun’we va ya kuma yini? Loko un’wana a ku, “Ndzi mu-Baptist, ndzi mu-Methodist, ndzi mu-Pentekostal, ndzi mu-Oneness, ndzi mu-Twoness, ndzi *So-na-so*.”

⁸⁷ Xana mi ta swi endlisa ku yini? Ku yima mi nga ninginiki! Xikwembu xi le ku laveni ka ku tshamisisa Kereke ya Xona, vana va Xikwembu va xinuna ni vaxisati. Xikwembu, mi nge ndzi hanya ndzi ta swivona, xexo i xikhongelo xa mina. Swi va ekusuhi ku kondza ndzi swi twa emavokweni ya mina ha kanyingi, swilangutekisa xi sweswo. Swi kwalahaya. Sweswo hi leswi ndzi swi langutelaka ku swivona, ku rindzela nkarhi loko ndzi famba exitarateni; lahaya ku nga pavalala xilema kona, kusuka ekhwirini ra mana wa xona, “Silivhere na nsuku ndzi hava.” Oho, ku rindzela ku vonakarisiwa ka vana va Xikwembu, haleluya, loko Xikwembu xi ta ti tivisa xona hi Xoxe, loko va ta yimisa mavabyi, va ta yimisa mfukuzani, va ta yimisa mavabyi.

⁸⁸ Mi ehleketa leswaku mfukuzani i swin’wana? Bibele yi vule leswaku ku tata nkarhi lowu vanhu va nga ta ka va nga ha boli enyameni ya bona, ni swikhozana swi ngaka swi nga hadyi mintsumbu ya bona va nge si fa. Mfukuzani i ku pandza ka tino eka leswi tako. Kambe, tsundzukani, leswi chavisaka ngopfu swi ta aleriwa hi siku lero ku khumbha lava nga ni Xilemo xa Xikwembu. Sweswo hi leswi hi ti karhatelaka swona sweswi, ku nghena endzeni ni kuva hi tshamisisiwa

exiyin'weni eMfun'weni wa Xikwembu makhombo lawa yo chavisa ma nga si fika. Oho, swi saseke njhani! Minkarhi leyи vekiweke, ku hetiseka ka nkarhi, ndzhaka.

Eka yena hi...nyikiwile...ndzhaka, hilaha hi nga hlawuriwa...

⁸⁹ Xana ndzhaka ya hina yi nyikiwile njhani eka hina, xana hi yini? Hi ku hlawuriwa. Ku hlawuriwa i vutivi. Xana Xikwembu xi switivile njhani leswaku Xi nga ha mi tshembha leswaku mi nga va muchumayeri xana? Hi vutivi bya Xona. “Ku nga ri hi loyi a tirhandzelaka kumbe loyi a swi tsutsumeleke, kumbe loyi... I Xikwembu lexi kombiseke tintswalo.” Hi swona, ku hlawuriwa. Xi tivile leswi a swi ri eka n’wina. Xi tivile leswi a swi ri eka n’wina mi nga si ta emisaveni. Xi swi tivile leswi a swi ri eka n’wina ku nga si va ni misava ya n’wina leyи a mi fanele ku ta eka yona. Xexo—xexo hi Xona. Xexo i Xikwembu lexi ngariki ni makumu, lexi nga riki na makumu. Hina hi hina lava hi nga na makumu, ntsena hi nga ha ehleketa hi makumu.

⁹⁰ A swi tele ngopfu eka mina, kusukela loko sweswo swi tava swi humelerile eka mina. A ndzi tivi. Loko ndzi ehleketa lahaya, loko ndzi tava ndzi yimile kwalahaya xinkadyana xexo xa ntsako, kutani ndzi ehleketa, “Leswaku a ku na mundzuku.” A ku na tolo, a ku na mavabyi, a ku na maxangu. A ku na ku tsaka loku ntsongo ni ku tsaka loku taleke, i ntsako ntsena. Oho, mina! Oho, loko ndzi tava ndzi yimile kwalahaya ndzi ku, “Xana i yini leswi?”

⁹¹ Rito lero ri teri, “Leri i rirhandzu leri hetisekeke, kutani hinkwaswo leswi u nga tshama u swi rhandza ni hinkwaswo leswi swi nga tshama swi ku rhandza swi lahawani na wena sweswi.”

⁹² “Kutani u ta hi yisa eka Hosi Yesu loko A vuya, tani hi swidlodlo swa ministri wa wena.” Ndzi vonile vavasati lavo saseka va yimile kwalahaya, hinkwavo va ri eku ndzi kokakokeni vari karhi va tlhava mukhosi, “Wo saseka, makwerhu la rhandzekaka!” Ndzi vonile vanhu lavo ni misisi ya vona ya ntumbuluko leyи rhendzeleke tinhamu ta vona lahawani, va ndzi tsutsumela, va fika va ni ombo va ku, “Makwerhu wa hina la rhandzekaka!”

Kutani ndzi ehleketa, “Xana leswi swi nga va swivula yini?”

Ri ku, “I vanhu va wena.”

⁹³ Ndzi ku, “Vanhu va mina? Swi ngaka swi nga endleki leswaku ku va ni va Branham vo tala, ku ni mamiliyon.”

⁹⁴ Ri ku, “Hi lava va nga hundzula hi wena!” Haleluya. “Hi lava va nga hundzula hi wena. Hi van’wana lava...” Ri ku, “Xana wa n’wi vona loyi a nga yima lahaya?” Wansati wo saseka ngopfu loyi ndzi nga si tshamaka ndzi n’wi vona.

Ri ku, "A hundzile malembe ya makume nkaye hi vukhale loko u n'wi yisa eka Xikwembu. A swi hlamarisi loko a rila a ku, 'Makwerhu wa mina la rhandzekaka.'" Ri ku, "A nge he pfuki a dyuharile nakambe. U hundzile eka sweswo. U le ka vumbhuri bya vuntshwa. U yimile lahwani. A ngaka a nga nwi mati yo titimela, a nga kali a ma lava. A nge pavala ehansi kutani a etlela, hikuva a nga karhali. A ku na mundzuku, a ku na tolo, kuri hava nchumu. Hi le ka mpfumala Makumu sweswi. Kambe rin'wana ra masiku leri kwetsimaka N'wana wa Xikwembu u ta vuya, kutani u ta avanyisiwa kuya hi Rito leri u va chumayeleke rona." Oho, makwerhu!

Ndzi ku, "Xana Paul u ta fanele ku tisa ntawa wa yena xana?"

"Ina, nkulukumba."

⁹⁵ Ndzi ku, "Ndzi Ri chumayerile ntsena tani hilaha Paul a Ri vuleke ha kona. A ndzi kalanga ndzi karhala, a ndzi kalanga ndzi teka tidyondzo ta tikereke tin'wana to hambuka kumbe swin'wana. Ndzi tshamise xi sweswi."

⁹⁶ Kutani hinkwavo ka vona va huwelerile hi moyo wun'we, "Ha switiva sweswo! Hi wisela eka xileriso." Va ku, "U ta hi yisa eka Yena, kutani hi nkwerhu ka hina hi ta tlhelela emisaveni nakambe, ku ya hanya hilaha ku nga heriki." Oho, mina!

⁹⁷ Kutani kwalaho ndzi sungurile ku nghena. Ndzi langutile, ku pavala lahayemubedweni, kutani ndzi vona ntsumbu wa mina wu dyuhala ni ku khonyana, kutani ndzi tlakuseriwela ehenhla ni—ni vuvabyi byi suka ni ku karhateka, kutani ndzi vona mavoko ya mina etlhelo ka nhloko ya mina, hiloko ndzi ehleketa, "Oho, ndzi fanele ku tlhelela eka nchumu walowo nakambe xana?"

⁹⁸ Kutani a ndzi tshamela ro twa Rito lero, "Ri tshamela ro ya emahlweni! Ri tshamela ro ya emahlweni!"

⁹⁹ Ndzi ku, "Hosi, minkarhi hinkwayo ndzi pfumela eka Matimba yo hanyisa, ndzi ta tama ndza ha ya pfumela. Kambe ndzi ta ya emahlweni ni mimoya ya vona, kutani ndzi pfuni. Ndzi tava na vo tala lahayalava ndzi nga... U nge ndzi hanya, Hosi, kutani ndzi ta nghenisa miliyoni yin'wana lahayalava, ntsena loko U nga ndzi pfumelela ndzi hanya."

¹⁰⁰ A ndzi ni mhaka ni leswaku i muhlovo wa njhani, i dyondzo yihi ya kereke, i rixaka rihi, i va mani, hinkwavo va va un'we loko va nghena lahayala, kutani mindzelekanoleyi yi tsemekanyiwile. Oho, ndzi nga ha kota ku vona vavasati lava, vo saseka ngopfu; lava ndzi nga si tshamaka ndzi va vona...ku ya ehansi, va misisi leyo leha ku fika eminhlaneni ya vona. Swikete swo leha kuya ehansi. Va nga ambalanga nchumu eminkondzeni. Ndzi vona vavanuna va vona ni misisi ya ntumbuluko leyij

rhendzeleke tinhamu ta vona, tinhloko to tshwuka, tinhloko ta ntima, ni hinkwayo mihlovo yo hambarana. Va ri karhi va ndzi vukarha. Ndzi nga ha va khumbha. Ndzi khumbhile mavoko ya vona. Xikwembu hi xona Muavanyisi wa mina, kutani Buku leyi yo kwetsima yi pfulekile. Ndzi va twa ku kotisa loko ndzi twa mavoko ya mina exikandzeni xa mina. A va ri karhi va ndzi vukarha, ku ngari ni vutitwi bya vavasati tani hilaha byi nga kona sweswi. A ndzi na mhaka leswaku mi kwetsima ku fika kwihi, leswaku mi va mani, leswaku mi muxaka muni wa xichumayeri, muprista kumbe swin'wana leswi mi nga vaka swona, ku hava wanuna loyi a nga pfumelelaka wansati leswaku a n'wi vukarha, ehandleni kaloko a nga ri na vutitwi bya vumunhu. Walowo i ntiyiso lowu hetisekeke. Kambe, makwerhu, loko mi hundza exikarhi ka lahawani ni lahaya, a swi hi ndlela ya leyo lahaya. Oho, mina! Swi hi . . . Oho, ku ni . . . A swi koteke. Hinkwaswo i rirhandzu. Xin'wana ni xin'wana i buti wa ntiyiso nakona xin'wana ni xin'wana i sesi wa ntiyiso. A ku na rifu, a ku na maxangu, a ku na mavondzo, a ku na nchumu, kuhava lexi xi nga nghenaka kwalahaya. Ntsena kova ku hetiseka. Sweswo hi leswi ndzi tikarhetelaka swona. Sweswo hi leswi ndzi swi vekaka.

¹⁰¹ Ndzi ku, "O Hosi, sweswo hi leswi ndzi nga tela swona lahawani ekerekeni, ku ringeta ku tshamisisa kereke eka ntshamiseko wa kahle." Ndza ku byela, buti na sesi, ku ni nchumu wun'we ntsena lowu wu nga ta nghena eka sweswo, lero i rirhandzu leri hetisekeke. Ku nga ri hi leswaku u tshembhekile eka Tabernakele ya Branham, kumbe eka kereke ya Methodist kumbe kereke ya Baptist. Tikahle hinkwato, u fanele kuva eka tona. Kambe, oho, vanghana, mi na . . . Ku nga ri hikuva mi vulavurile hi tindzimi, mi cina eMoyeni, hikuva mi hlongola na mademonia kumbe ku susa tintshava hi ripfumelo. Swikahle sweswo hinkwaswo, sweswo swi kahle hinkwaswo, kambe hambi swiritano handle ka loko rirhandzu lero ra ntiyiso lowu hetisekeke ri ri kona. Kwalaho hi laha ku hetiseka . . . [Xivati lexi nga riki ni nchumu eka thepi-Muhler.]

. . . *hi nyikiwile ndzhaka*, (xana hi nyikiwile yini? Vutomi lebyi nga Heriki) *hilaha hi nga hlawuriwa* . . .

¹⁰² Njhani? Xana un'wana ni un'wana wa swi twisia sweswo xana? Xana mi vitanile Xikwembu? Ee, Xikwembu xi vitanile n'wina. Kuhava munhu loyi a nga tshama a lava Xikwembu. I Xikwembu xi lavaka munhu. Yesu u teri, "Ku hava munhu loyi a nga taka eka Mina handle ka loko Tatana wa Mina a n'wi tshuneta kusungula." Wa vona, i ntumbuluko wa munhu ku tsutsuma Xikwembu. Kutani mi ri sweswi . . .

¹⁰³ Sweswo, sweswo hi leswi swi nga ndzi karhata, hambi loko, ndzi mi chumayilela n'wina vanhu; mi ngavi eka xiyimo

xa khale lexi a miri eka xona, cincani sweswi! Ndzi yingiseleni tani hiloko ndzi vula leswi, LESWI HOSI YI SWIVULAKA. A ndzi kalanga ndzi ti vitanisa xiswona leswi, a ndzi tano. Kambe mi ndzi vitana muprofeta wa n'wina, kumbe muprofeta. Misava yi pfumela sweswo, misava hinkwayo, mamiliyon ni mamiliyon ni mamiliyon ya vanhu. Ndzi vulavurile hi ku kongoma ni hi ku papalata eka khume kumbe—khume kumbe khume mbirhi wa mamiliyon ya vanhu, kumbe ku tlula, ndzi vulavula hi ku kongoma. Ndzi vonile khume ra magidi wa swivono ni masingita ni swihlamariso, kutani kuhava na xin'we xa swona xi nga hluleka. Kutani sweswo hi swona. Xi ndzi byerile swilo leswi swi nga tsandzekangiki ku humelela kuya hi laha xi ndzi byeleke. Ndzi ta tengisa un'wana ni un'wana ha sweswo. Hi swona. A ndzi koxi kuva muprofeta, kambe ma ndzi yingisela.

¹⁰⁴ LESWI HOSI YI SWIVULAKA, swi ta teka rirhandzu leri hetisekeke ku mi veka endhawini yaleyo, eka hinkwavo lava nga kwalahaya va kwalahaya. Swi nga ri na mhaka leswaku i mali ya yini, i swikombiso swo tala ku fika kwihi swa vakhongeri, i yi ngani mintirho ya kahle leyi mi yi endleke kumbe leyi mi nga tshama mi yi endla, sweswo a swi nge vuli nchumu hi siku lero. Swi ta teka rirhandzu leri hetisekeke. Swingaleswi hambi mi endla yini, mi veka etlhelo hinkwaswo kufikela laha mi tatiwaka hi rirhandzu ra Xikwembu ku kondza mi rhandza lava va mi vengaka.

¹⁰⁵ Ntsena tani hilaha ndzi vuleke ha kona emixweni lowu, ndzi endliwile, ku saseka hinkwako ka mina i tintswalo. Vanhu vo tala va ri, “Sweswi, loko u ndzi n'waya nhlana na mina ndzi ta n'waya wa wena. Ina, loko u ndzi endlela swin'wana na mina ndzi ta ku endlela swin'wana.” Sweswo a hi tintswalo. Tintswalo i ku, loko nhlana wa wena wu n'wayisa, ndzi ta wu n'wanya hi ndlela yin'wana, hambi wa n'waya wa mina kumbe a wu n'wanyi; u ndzi phakata exikandzeni, i ku, “nhlana wa mina wa n'wayisa, wu lava ku n'wayiwa,” ndzi ta wu n'waya. Wa bona? Sweswo hi swona, endla swin'wana. A ndzi pfumeli eka mintirho. Ndzi pfumela leswaku mintirho i rirhandzu. Mintirho i—mintirho i ku vonakarisiwa ka tintswalo leswaku ti tekile ndhawu. A ndzi hanyi hi ku tshembheka eka nsati wa mina hikuva ndzi pfumela leswaku u ta ndzi tshika loko ndzi nga endli tano, ndzi hanya hi ku tshembheka hikuva ndza n'wi rhandza.

¹⁰⁶ A ndzi chumayeli Evhangelii hiku ehleketa leswaku loko ndzi fa ndzi taya etiheleni loko ndzi nga endli tano, ndzi chumayela Evhangelii hikuva ndza Xi rhandza. Kunene-nene. Mi ehleketa leswaku ndzi nga tsemakanya mheho lowu wa malwandle, ni swi haha-mpfhuka swa bona leswi yaka emahlweni nile ndzhaku, ni rihatihimatima hinkwako, ni—ni swin'wana ni swin'wana, ni minete yin'wana ni yin'wana ha

kanyingi...kutani un'wana ni un'wana a tlhava mukhosí, kutani va ku "Bayethye Maria" a ya emahlweni eka xihaampfuka, ni hinkwaswo? Vanhu va kona va le ku jombheni hi mabantí ya vuhlayiseki, kutani muhahasi a ku, "Hi ni gasi yo ringanelu ku famba khume ntlhanu wa timinetse, a ndzi ku tivi laha hi nga kona." Xana mi ehleketa leswaku ndzi nga swi endla sweswo ntsena—ntsena ku endlela ku tsaka hi ku swi endla? Huh! Xana mi ehleketa leswaku ndzi nga tlhelela endzhaku emakhwatini laha masocha ya Jarimani ya nga ta ndzi vukarha tani hi *leswi* madyambu man'wana nikuva va ndzi nghenisa ni kuva va ndzi humesa enhlenegetanwini, ku kondza Moya wo Kwetsima wu endla mahlori? Makhomonisi ya tshama ni swikopi swa ni vusiku, ku ndzi balesela eka mpfhuka wa mayili. Xana mi ehleketa leswaku ndzi nga endla sweswo hi ku titsakisa xana? Hikokwalaho ka leswi swi nga ka mina swi rhandzaka; i vanhu lava Kreste a nga fela vona. Paul u teri, "A ndzo ya hi ku swi tsakela eYerusalem, kambe ndzi ya kona kwalahaya eku vambiweni. Ndzi ya eku feni. Ndzi ya eku feni hikokwalaho ka Hosi." Hi swin'wana, rhandzani lava va mi vengaka, lava va mi endlelaka sweswo. Sweswo hi swona hakunene.

¹⁰⁷ Loko ndzi nga chumayela Evhangeli hikokwalaho ka mali, loko swi ngava tano, a ndzi nga tava ni makume mbirhi wa magidi ya tidolara madyambu lawa ya xikweleti, a ndzi nga tava ndzi ri exikweletini xexo. Ee, nkulukumba. Hikuva a ndzi tava ndzi hlayisile tin'wana—ta timiliyoní leti ndzi nyikiweke tona. Wanuna un'wana, wanuna un'wana u rhumerile vayimeri va F.B.I. ni miliyoní ni ntlhanu wa magidi wa tidolara ta mali leyi ringanyetiweke. Kutani ndzi teri, "Yi tlheriseleni endzhaku." A hi ya mali! A hi ya mali. A ndzi chumayeli Evhangeli ndzi chumayeleta mali. A hi ya sweswo!

¹⁰⁸ Yi hikokwalaho ka rirhandzu. Leswi ndzi lavaka ku swi endla, i ku, loko ndzi ta tsemekanya ku hefemula kwaloko ko hetelela lahaya, laha ku nga ha vaka ntlhanu wa timinetse kusukela sweswi, swi nga hava hi tiawara timbirhi kusukela sweswi, ku nga hava makume ntlhanu wa malembe kusukela sweswi, a ndzi switivi leswaku swi tava swi ri swa rini. Kambe loko swi humelela, ndzi ta fika kwalahaya, ndzi lava ku mivona mi ri eka xiymo xo hatima xa vuntshwa, mitsutsuma, mi ri karhi mi huwelela mi ku, "Makwerhu wa mina la rhandzekaka! Makwerhu wa mina!" Sweswo hi leswi swi nga embilwini ya mina. Sweswo hi leswaku. A ndzi ringeti ku ka ndzi nga yimi na n'wina leswaku—leswaku hi hambana, kambe ndzi ringeta ku mi nghenisa endleleni leyi nga lulama. Ya leyo i ndlela leyi nga endzeni. Ku nga ri kereke ya n'wina, ku nga ri dinominexini ya n'wina, kambe ku tswariwa ka n'wina eka Kreste. Oho, mina. Heyi!

Eka yena...hi nyikiwile...ndzhaka, hilaha hi nga hlawuriwa ha kona khale hi makungu ya loyi a tirhaka swilo hinkwaswo hi ku hetiseka ka rirhandzu ra yena:

¹⁰⁹ Yingiselani. Hi ya eku pfaleni eka timinetse tintsongo leti landzelaka. Yingiselani swinene sweswi hi nga si pfala.

Leswaku hi ta ya hanya eku dzuniseni ka ku kwetsima ka yena, hina lava tshembheleke eka...Kreste.

Loyi na n'wina mi nga eka yena,...

¹¹⁰ Langutani leswi sweswi, hi vurhon'wana. Ambalani majasi ya n'wina, majasi ya Evhangeli. Rhiyani tindleve ta n'wina, yingiselani swinene. Ndzi le ka vhese ya vu13.

Loyi na n'wina mi nga eka yena, n'wina lava yingiseke...

"Ripfumelo ri ta hi yini..." [Nhlengeletano yi ku, "Hi ku yingisela"—Muhleri.] "ku yingisela..." ["Rito."] "Rito ra..." ["Xikwembu."]

...lava yingiseke rito leri ra ntiyiso...

¹¹¹ Xana Ntiyiso i yini? Rito ra Xikwembu. A hi swona xana? Yohana 17:17, n'wina lava mi tsalaka Matsalwa, Yesu u teri, "Va kwetsimise, Tatana, eNtiyisweni wa wena. Rito ra Wena hi wona Ntiyiso."

...endzhaku ka loko u twile ntiyiso, yi nga Evhangeli ya ku hlayiseka ka n'wina:...

¹¹² Xana a kuri ku hlayiseka kwihi loku a ringeta ku va byela ha kona? Ku hlawuriwa ku nga si va ni masungulo ya misava (a hi swona xana?), ku hlayisiwa ka vana, lava nga hlawuleriwa Vutomi lebyi nga Heriki. Sweswi, endzhaku kaloko mi tile eka Vutomi lebyi nga Heriki, endzhaku ka loko mi ponisiwile, mi kwetsimisiwile, mi tatiwile hi Moya wo Kwetsima, mi vana. Sweswi Xikwembu xi lava ku mi tshamisisa exiyin'weni, oho, swingaleswi leswaku mi ta kota ku tirhela Mfumo wa Xona niku dzuneka ka Xona.

¹¹³ Yaleylo hi yona Evhangeli. Kuva, xo sungula, mi twa Rito, "Hundzukani, kutani mi khuvuriwa hi Vito ra Yesu Kreste eku khomeriweni ka swidyo." Cukumetani swidyo swa n'wina hinkwaswo, mi huwelela Vito ra Hosi Yesu Kreste, mi taya eka Tiko ra xitssembhiso. Xitssembhiso xi le ka mutshami un'wana ni un'wana loyi a nga endleni. Loko mi nga sukela kaya ra n'wina madyambu lawa, mudyohi, a ku, "Ndzi ta ya eka Tabernakele ya Branham," Xikwembu xi mi nyika xinkadyana madyambu lawa. Ku ni nchumu wun'we lowu vekiweke exikarhi ka n'wina ni Tiko ra xitsembhiso. Xana Tiko ra xitsembhiso i yini xana? Moya wo Kwetsima. Xana i yini lexi a xi vekiwile exikarhi ka Yoxuwa ni tiko ra xitsembhiso kutani a kuri Yordan. Hi swona hakunene.

¹¹⁴ Muxe, ku va a ri xifanekiso xa Kreste, u rhangerile vana ku ya etikweni ra xitshembhiso, kutani Muxe a nga va nghenisanga vana etikweni ra xitshembhiso. Yoxuwa u va nghenisile vanhu nikuva a ava tiko. Yesu u hakerile nxavo, a va rhangela kuya eka Moya wo Kwetsima. Xikwembu xi rhumerile Moya wo Kwetsima emisaveni kutani Xi veka kereke eka xiymo hi ndlela leyinene, munhu un'wana ni un'wana, xi n'wi tata hi Vukona bya Xivumbeko xa Xona. Maswivona leswi ndzi swi vulaka xana? Hinkwavo eka Kreste Yesu, leswi Xikwembu xi nga swihlawurisa xiswona leswi eka ku vitana ka Evhangeli ley!

¹¹⁵ Paul, eka va-Galatiya 1:8, u teri, “Loko Ntsumi yi nga ta yi ta chumayela swin’wana, a yi rhukanawi.” Ntiyiso, Evhangeli. Sweswi yingiselani swinene loko ha ha yisa emahlweni niku hlaya, hi hetisa vhese.

...yi nga evhangeli ya ku hlayiseka ka n’wina: yaloyi eka... (yingiselani swinene)...siku mi pfumeleke, mi funghiwile hi Moya wo Kwetsima lowu tshembhisiweke,

¹¹⁶ Emasikwini ya makumu, Bibele yi teri, sweswi langutani, emasikwini ya makumu ku tava ni mintlawa yi mbirhi ya vanhu. Laha wun’wana wa yona wu nga ta va ni Mfungho wa Xikwembu, lowu wun’wana wu nga tava ni mfungho wa xivandzana. A hi swona xana? Xana i vangani va swi tivaka sweswo? Kunene, loko Mfungho wa Xikwembu ku ri Mfungho wa... Loko Mfungho wa Xikwembu ku ri Moya wo Kwetsima, manuku loko u nga ri na Moya wo Kwetsima u na mfungho wa xivandzana. Kutani Bibele yi vule leswaku mimoya yi mbirhi yi tava ekusuhi swinene laha yi nga ta hambukisa na vona va Hlawuleriwa loko swi nga koteka. A swi nga endleki, hikuva va hlawuleriwe Vutomi lebyi nga Heriki. Wa vona?

¹¹⁷ Kereke yi le ku fambeni, ntsena tani hiloko yi ri eku switiveni leswaku a kuri ni vanhwenyana va khume lava a va ya ku ya hlangana ni Hosi, hinkwavo a va kwetsimisiwile, hinkwavo a va kwetsima, un’wana ni un’wana wa vona a kwetsimisiwile. Lava ntlhanu a va ri vo rivala va tshikile mafurha ma hela etimbonini ta vona. Lava n’wana va ntlhanu a va ri na mafurha etimbonini ta vona. “Kutani, yingansi Muteki a fika!” Kutani lava ntlhanu lava a va ri ni mafurha etimbonini ta vona va yile eka Nkuvo wa Vukati. Kutani lavan’wana va siyiwile ehandle laha a va ri eku rileni ni mukhosi niku getsela ka meno. Ti lulamiseleni, n’wina lava mi nga yi tiviki minete ya ku vuya ka Hosi. Vanani... Xana mafurha ma yimela yini eBibeleni? Moya wo Kwetsima.

¹¹⁸ Sweswi eka n’wina namuntlha, n’wina va makwerhu va Seventh-day Adventist n’wina mi nge siku ra vunkombo i Mfungho wa Xikwembu, humesani Tsalwa rin’we ntsena

leri tiyisaka sweswo. Bibele yi vule leswaku Mfungho wa Xikwembu i Moya wo Kwetsima. Langutani leswi. “Laha . . .” Langutani vhese ya vul3 sweswi.

. . . siku mi pfumeleke, mi funghiweke hi—hi Moya wo Kwetsima lowu tshembisiweke vanhu.

¹¹⁹ Pfulani eka va-Efesa 4:30, ndza pfumela leswaku hi yona. Hi vona loko hi nga yi kumi 4:30, hi vona loko ti nga fani. Va-Efesa, papila ra vu4 kutani vhese ya vu30. Aha, hi leyi, 4:30.

Kutani mi nga tshuki mi khomisa Moya wo Kwetsima wa Xikwembu tingana, walowo mi funghiweke ha wona ku fikela siku ra ku kutsuriwa ka n’wina.

¹²⁰ Ku fikela rini xana? Loko hakunene, hakunene mi tava mi amukerile Moya wo Kwetsima, xana Wu ta va ka n’wina ku fikela rini? Ku kondza ku fika mpfuxelelo lowu landzelaka, ku kondza loko kokwani a tsemakanya tindlela ta n’wina, ku kondza n’wini wa n’wina a mi bela mpongo xana? Ku kondza ku fika siku ra ku kutsuriwa ka n’wina! Haleluya!

¹²¹ Endzhaku kaloko mi tava mi file, endzhaku ka loko mi tava mi tsemekanyerile eTikweni, leri mi nga tava mi yimile eka rona ni varhandziwa va n’wina, mi tava ma ha tatiwile hi Moya wo Kwetsima. Matsalwa! Ntsena mi tava hilaha mi nga xiswona sweswi, ntsena loko mi ri ni . . . mi sukile kuya eka miri wun’wana. Ntsena mo ncinka tiyindlu. Leyi ya dyuhala, mi ngaka mi nga ha yi fuleli nakambe, swifuleri switava swi borile. Hi swona. Swingaleswi ntsena cukumetani swa khale ekule mi swi tshika swi bolela ehansi, kutani mi ya eka leswi ntshwa. A hi swona xana? “Hikuva loko tabernakele ya laha misaveni yi n’oka, hi ni yin’wana leyi yi hi rindzeleke.”

¹²² Ma tsundzuka siku rin’wana, hi vulavurile hi swona sweswo? Loko ricece ri tava ri vumbiwile exivekelwени xa mana wa rona, kutani titlampfana nyana ta raha-raha ni ku tlula-tlula ni kuya emahlweni. Kutani tani hiloko manana a ha kutswala n’wana kutani n’wana a tswariwa emisaveni, xo sungula, ku ni miri wa ximoya lowu wu khomaka ximidyanxa ntumbuluko. Kumbexana dokodela wa xi . . . [Makwerhu Branham a phakata mavoko ya yena—Muhler.] tani hi *sweswo*, kumbe xin’wana lexi xi nga xi ninginisaka, kutani “n’wee, n’wee, n’wee.” Kutani xikan’we-kan’we xi yisiwa eveleni ra mana wa xona, “amu, amu, amu,” xi ri karhi xi dliva-dliva mavele ya mana wa xona, ku endlela leswaku tinsinga ta masi ti humesa masi.

¹²³ Xirhodyani, loko xa ha ku tswariwa eka mana wa xona, xi kumeka xi ri karhi xi yima hi matsolo endzhaku ka timinetse nyana. Xana xi endla yini? Xi tlhelela endzhaku, xi ya fikelela mana wa xona, kutani xi sungula ku rhokoja tani hi sweswo, kutani xi tikumela masi ya xona. Haleluya! Ina, nkulukumba.

¹²⁴ Loko miri lowu wa ntumbuluko wu tswariwile hi manana, ku ni miri wa ximoya lowu nga wu rindzela.

¹²⁵ Kutani loko miri lowu wa ntumbuluko wu tswariwile laha misaveni, haleluya, ku ni wun'wana lowu rindzeleke lahaya! Ntsena hi suka eka wun'wana ku ya eka wun'wana, hi ncinka tindhawu ta hina leti hi tshamaka eka tonu. Lowu wu bolaka wu vekiwa eka lowu wu nga boliki, lowu wa ximoya; lowu onhakaka wu vekiwa eka lowu nga onhakiki. Lowu wa khale lowu khonyaneke, wu susiwa, miri lowu nga fuleriwangiki, kambe a wu nga ncinci xivumbeko xa wona, ndzi vula loko wu fika lahaya, mi ta tshama ma ha ri ni moyo wa luwani.

¹²⁶ Mi nge ndzi mi nyika swin'wana leswi twakalaka onge swi nga mi hakasa nyana, kambe i Bibebe, kutani ndzi ta mi nyika swin'wana leswi swi nga ta endla leswaku swi nga mi hakasi. Langutani leswiwani. Loko Saul wa khale, ho—ho hosi, ya—ya khale, muchumayeri lonkulu wa khale wa xidinominexini ehansi lahaya hi nkama walowo, maswitiva, yaloyi a ri ni nhloko ni makatla ehenhleni ka vona hinkwavo, kutani a va n'wi chava, a va kalanga va tiva nchumu hi leswi nga ehandle ka Ntumbuluko. Davhida a fanele kuta a ta ntshuxa xinyimpfana enon'weni wa nghala, a dlaya Goliyadi. N'wi langutiseni. A huma ekule ni Xikwembu, a venga mudyondzisi loyi wa mukwetsimi wo vumbuluka. Kutani ematshan'wini ya ku va eka yena, ku ringeta ku n'wi pfuna, u n'wi hundzukerile. Loko xexo xi nga ri xona xifaniso xa ntiiyiso, xifaniso xa ntiiyiso. Hambanani na yena!

¹²⁷ Xana i vangani lava a va ri kona lahawani loko ndzi famba eka rendzo ra mina ro sungula, ndzi chumayerile hi, "Davhida loko a dlaya Goliyadi," loko ndzi tava ndzi famba? Lavo tala, van'wana, va ntsongo va swidyuhati swa khale. Ndzi le ku lulamiseleni ka ku famba nakambe eka leswi. Xana mi tsundzuka yini, mi swivonile leswi nga ta hi Sonto lowu hundzeke xana? Swi le ku fambeni sweswi hi xivumbeko xin'wana. Mpthumbha ra vumbirhi ra Davhida, xivumbeko xa vumbirhi xa ministri wa yena. Sweswo i ntiiyiso hakunene. Laha, a nga vuya a va hosi ya Israel. Xiyisisani sweswi ministri wu le ku fambeni ku ya eka xivumbeko lexikulu, wu ya wu kula. Swingaleswi Davhida u swi endlile. Ndzi xiyisia leswi tani hiloko a ta, Davhida, oho, loko Xikwembu xi endlile Davhida leswaku a huma lahaya a dlaya nghala, xiyisisani, kutani a dlaya bere, kutani a dlaya Mufilista. Sweswi, ku vile ni nkarhi lowu Xikwembu xi nyiketeke moyo wo biha eka jaha leri. Kutani wa... Wa yini xana? Wa ku venga Davhida. Kutani ndza pfumela...

¹²⁸ Sweswi, tithepi leti. Sweswi yingiselani, vamakwerhu, n'wina mi nga eka tithepi leti, loko mi nga yimi na mina, ndzi rivaleleni. Wa vona, ndza mi rhandza. Ndzi ya hlangana na n'wina lahaya hi ndlela yi n'wana, wa vona, hikuva loko mi ri

vanhu va Xikwembu ndzi ta hlangana na n'wina hi mukhuva wun'wana. Kambe, ndzi lava ku vula leswi, hi lexi xivangelo lahawani. Ntsena hikokwalaho Saul u vonile leswaku Davhida u ni swin'wana leswi yena a nga riki na swona. Kutani ku humelerile yini xana?

¹²⁹ Ricece leri ntsongo ra khale ra "ndzumulo," a tshunelela, Bibele yi teri a ri "ndzumulo." Yaloye a nga ri n'wana wo antswa, "ndzumulo" ntsena a ri mutshuneleri lontsongo wa khale wa maendlelo ya nakulorhi. Kutani u yile kwalahaya, kutani Saul, hikokwalaho ka yini, u n'wi ambexile swiambalo swa Saul swa nyimpi, kutani ndza swi anakanya leswaku xitlhangu xa yena a xi n'wi siva kusukela emilengeni ya yena. Kutani a ku, "Susani nchumu lowu wu suka eka mina. Ndzi—ndzi ni..." Kumbexani u n'wi nyikile digri ya vudokodela, Ph.D. kumbe L.L.D., kumbe swin'wana, maswitiva. U te yini, "A ndzi tivi nchumu hi swilo sweswo, hikuva a ndzi swi kambisisanga. Mi nge ndzi va ni leswi, leswi ndzi swi tivaka hi leswi ndzi swi endlaka." Ina, nkulukumba. U tekile xipelupelu.

¹³⁰ Kutani va endlile leswaku Davhida a hlangana nhloko hikokwalaho ka vanhwenyana, tikereke, tikereke a ti ri eku yimbeleleni, "Saul, a ngava a dlayile magidi, kambe Davhida u dlayile khume ra magidi."

¹³¹ Kutani u vile ni mavondzo, "Hi wona maendlelo ya xikhale ya Vito ra Yesu, a ku na nchumu eka Wona." Hi swona. Kutani Xikwembu xi n'wi endlile yini xana? Xikwembu xi n'wi rhumerile moyo lowo biha, wa ku venga Davhida, kutani u vengile Davhida ehandleni ka xivangelo.

¹³² Davhida a nga hava a vhikisile nhamu ya yena minkarhi yo tala. A nga ha va, kambe ntsena u lo swi tshika swi tihundzela. Ntsena a nga kalanga a vula nchumu. A ri ni ntiyiso wa leswaku a nga ha va a swi endlile. U yile a ya tsema emakumu ka nkhancu wa yena, madyambu man'wana, a tlhela a vuya, a ku, "Langutani lahawani, maswivona!" Ina, nkulukumba, a nga va a swi endlile, kambe u n'wi tshikile a ri yexe. A nga hava a tshovile nhlengeletano ya yena kutani a va hangalasa, kutani a ti sungulela nhlangano lowu wu nga wa yena loko a swilava. Kambe a nga swi endlanga sweswo, u tshikile Saul a tiyela emahlweni. A hi tshikeleni Xikwembu xi hi lwela. Ina, nkulukumba.

¹³³ Swingaleswi tani hiloko a humile ni mpfhumba ri herile, kutani u yile emahlweni, moyo walowo wo biha wu endlile leswaku Saul a nga kumi nhlamulo eka Xikwembu. Endzhaku nyana u... Moya wa Hosi wu sukile eka yena. Kutani Samuel wa khale, hi un'wana loyi va nga n'wi hundzukela, ya loyi a ri un'wana loyi a ri Rito ra Xikwembu eka vona, loyi a va byeleke loko va nga si va ni endlelo ra misava.

¹³⁴ Hikokwalaho ka yini kereke yi lava ku va ni maendlelo ya misava xana? Xana hikokwalaho ka yini Pentekostal, yi khuvula, Moya wo Kwetsima wu va tokotile va-Methodist, ni va-Baptist, ni va-Presbyterian va lava kuva ni maendlelo ya misava? Xana hikokwalaho ka yini va endla sweswo? A ndzi switivi. A ndzi—a ndzi swi twisisi. Mi ri, “Kunene, swa hlekisa ku tlanga phoka, ntsena ku ti hungasela nyana, ntsena hi ku beja xipenani,” leswi mi nga ha swi vurisaka xiswona. I xidyoho. A mi fanelanga kuva ni swilo swa vona etidlwini ta n’wina. “Hikokwalaho ka yini, a swi vavisi ku nwa nghilazi nyana, ya biha. Ntsena hi ni swintsongo. Mina ni nsati wa mina hi kumile swi ntsongo nyana ni nhlikanhi.” Kutani xo sungula mi xitivaka, vana va n’wina va ni swintsongo. Hakunene swi tano.

¹³⁵ Kutani n’wina vavasati, ham, ntsena Javulosi u endlile... Sweswo hi leswi a swi endleke emasungulen, kutani kunene-nene u tiendlerile ntlhamu ha n’wina vasesi. Ntsena u endla sweswo ntsena ku endlela leswaku... hikuva u tiva leswi a nga ta swi endla. A nga ha xisa wansati hi kuhatlisa ku ringana gidi wa minkarhi hiku hatlisa ku tlula wanuna. Ndza switiva leswaku sweswo leswaku ndzi mi kandziya xikunwani, kambe walowo i Ntiyiso. Hi swona hakunene. Sweswo hi leswi a swi endleke entangeni wa Eden. A nga ha swi endla... Sweswi, wansati a ntshembhekile, a ri wa vunene, kambe u xisiwile. “Adam a nga xisiwanga,” Bibele yi vule tano. A nga xisiwanga, kambe wansati u xisiwile. Swingaleswi a nga ha ha n’wi xisa. Kutani kunene vafundhisi va taya emahlweni niku xixima vachumayeri va xisati, va va veka etinhlengeletan’weni hi ndlela yaleyo, kutani leswi Bibele ya swi sola kusukela eka Genesa ku ya fika eka Nhlavutelo. Mi ri, “Kunene, hiswona. Hiswona. Va ni... Va nga ha chumayela tani hi sweswo.” Ndza switiva leswaku sweswo hi swona.

¹³⁶ Tani hi un’wana a sunguleke ku vulavula hi tindzimi nkarhi wun’wana, ntsena ndzi yile emahlweni niku chumayela. Kutani loko ndzi ri ehandle, wansati u teri eka n’wana wa mina, a ku, “Ndzi kumile hungu leri ndzi nga ta ri nyika madyambu ya mundzuku,” a ku, “loko Tata wa wena a ta eka platifomo.”

A ku, “Kunene, Manana, u vula yini xana?”

¹³⁷ Kutani loko hi madyambu ya lawa ya fikile, loko ndza ha tilulamisela ku vitana lava tweke rito, wansati u lulamisile misisi ya yena niku koka milendzhe ya yena ni swin’wana, a tilulamisela, u tlurile exikarhi ka semendhe kutani a sungula ku tlulela ehenhla ni le hansi, a vulavula hi tindzimi niku profeta. Ntsena ndzi yile emahlweni niku chumayela, ndzi vitana lava tweke rito. A ndzi kalanga ndzi swi hloniphia ni swi ntsongo, a swi nga lulamanga. Swingaleswi kutani,

kunene, Bibele a yi vulanga leswaku, yi ku, "mi—mi Mimoya ya vaprofeta yi fumiwa hi profeta." Xikwembu eka... Loko Xikwembu xi ri eku vulavuleni eka platifomo, a hi Xi tshikeni xi vulavula. Paul u teri, "Loko swin'wana swi hlavuteriwa eka un'wana, a miyerisi sweswiya ku kondza wa vumbirhi a heta." Hi swona.

¹³⁸ Sweswi, kutani loko ndzi ri ehandle, vanhu lava va teri, ntlawa lowukulu wa vanhu, wu ku, "U khomisile Moya wo Kwetsima tingana madyambu lawa."

Ndzi ku, "Xana a wu endla yini? Xana mina ndzi endlile yini?"

¹³⁹ Va ku, "Kunene, loko sesi yaloye a ri ekunyikeni ka hungu lero, haleluya, va vule sweswo."

"Hikokwalaho ka yini," ndzi ku, "A ndzi ri eku chumayeleni. A hume endleleni."

¹⁴⁰ "Oho," va ku, "sweswo hi leswi swi tengeke leswi humaka eXiluvelweni. Swi tengile ku tlula leswi a wu ri eku swichumayileni." Uh!

¹⁴¹ Sweswi, sweswo ntsena swi kombisa ku...sweswo kumbexani swi kombisa leswi, kutani ndzi vula leswi hi ku mi hlonipha, hambi ku nga ri endhawini ya tinhlyni, kumbe ku nga ri ku hlonipha, kumbe ku dyondzisa dyondzo leyi nga tiveki nchumu ha Xikwembu kutlula mpfundla lowu tivaka hi tintanghu ta gamboko. Sweswi, leswaku, a ndzi vuli sweswo hikokwalaho ka—ka ku ndunduzela loku biha, hikuva ndhawu leyi a hi ya mafenza. Kambe walowo—walowo i ntiyiso wa mampela. Munhu loyi a switivaka leswaku Xikwembu a hi mutshahi wa mpfilumpfilu. I Xa ku rhula. Bibele a va yi tivi. Hinkwaswo leswi va switivaka i kutlula va ya ehenhla nale hansi, va vulavula hi tindzimi, va ku, "Ndzi na Moya wo Kwetsima. Haleluya!"

¹⁴² Ndzi yimile ndzi swivona, eAfrika, valoyi ni swin'wana va vulavula, va ri ntlhanu wa magidi hi nkarhi wu ri wun'we; va ri eku tluleleni ehenhla nale hansi, ngati yi ri eswikandzeni swa vona hi nkwaswo, va ri ku vulavuleni hi tindzimi, kutani va nwa ngati leyi humaka exipalapalen'i xa munhu; va ri karhi va huwelela Javulosi, vatlhela va vulavula hi tindzimi.

¹⁴³ Hambi swiritano ku vulavula hi tindzimi i nyiko ya Xikwembu, kambe sweswo a hi nseketelo wa vunwa wa Moya wo Kwetsima. Mi nge ndzi mi byela sweswo sweswi. Ndzi pfumela leswaku vakwetsimi hi nkawo lava hlohloteriweke va vulavula hi tindzimi. Ndzi pfumela leswaku munhu nkarhi wun'wana loko mi kumeka mi hlohloteriwa hi Xikwembu ku kondza mi vulavula hi tindzimi. Ndzi pfumela sweswo. Kambe a ndzi pfumeli leswaku singita rin'wana ni rin'wana leri mi nga na rona i ra Moya wo Kwetsima. Ina, nkulukumba. Ndzi

pfumela leswaku ku ni nkarhi laha mi vaka ni ripfumelo, munhu, mi ya ehandle kutani mi tlhandleka mavoko eka xin'wanyana lexi xi nga ni mfukuzani, laha vachumayeri va tlhanu wa makume va nga xikhongelela, kutani xi nga ha hanya hikokwalaho ka ripfumelo ra manana eka n'wana. Xikwembu xi n'wi nyike yena, i xirho xa Miri wa Kreste. Ina, nkulukumba. Ndzi pfumela sweswo. Ndzi swi vonile swi endliwa sweswo nakona ndza switiva leswaku walowo i ntiyiso. Kambe i yini, i ku kumeka kereke yi ri eka ntshamiseko, yi tshamisekile leswaku hi nga ha kota ku tirha.

¹⁴⁴ Sweswi a hi hetiseni vhese leyi lahawani hi nga si ya emahlweni.

...siku mi nyikiweke, mi fungheke hi Moya wo Kwetsima lowu tshembisiweke vanhu.

¹⁴⁵ “Mfungho!” Xana Mfungho i yini? Xana Mfungho i yini? Mfungho i, xo sungula xi kombeta leswaku i ntirho lowu hetisiweke, ntirho lowu hetisekeke. Lexi landzelaka xi swikombisaka i vun'winyi. Kutani lexi landzelaka xi swikombisaka i vusirheleli, ku byi hlayisa.

¹⁴⁶ A hi nge, xikombiso, a ndzi toloverile ku tirha ePennsylvania Railroad, a ndzi toloverile ku tirha ni tatana wa mina exiporweni. A hi layicha mimovha. Kutani hi ta hi ta yi layichulula lahawani ku pakelaka khamphani leyi, hi nghanisela swikotelo endzeni, kutani hi vekela yin'wana ehenhla *lahawani* ni yin'wana ehansi *lahawani*, kutani yin'wana ehenhla hi ndlela *leyi*. Kambe loko movha walowo wu nga si lemeriwa, mukamberi wa ta kwalahaya, kutani a fika a yi ninginisa, a sukumeta ni *leyi* n'wana, a ninginisa *liya* yin'wana. “Ah! Loko o yi sola! Va ta ti fayelela tiva swiphemu-phemu va nga si fika kwalaho. Loko o yi sola! Wa ti susa. Yi endleni nakambe.” Mukamberi u sorile movha.

¹⁴⁷ Moya wo Kwetsima hi wona Mukamberi. Wa mi ninginisa nyana, kutani mi ba mpongo. Xana mi ri pfumela hinkwaro Rito ra Xikwembu xana? “A ndzi pfumeli eka maendlelo ya lawa ya khale ya Vito ra Yesu.” Swi soleni. Mi ba mpongo, wa vona. “A ndzi pfumeli eka Matimba lawa hanyisaka kumbe ku ri hava swo fana ni sweswo.” Hambi swi ri tano ma ha ba mpongo. Va hlongoleni. Xana ma pfumela leswaku Yesu Kreste wa ha ri yena wa tolo... “Kunene, hi ndlela yin'wana.” Mi ba mpongo. Swi raheni swi huma, wa vona, a swi tilulamiselanga sweswi. Ina, nkulukumba.

¹⁴⁸ Makwerhu, loko swi lulamile ku vula, “Amen!” Xana mi kale mi amukela Moya wo Kwetsima xana? “Amen!” Xana hinkwaswo swi hetisekile xana? “Amen.” Swingaleswi xana Mukamberi u endla yini? Hinkwaswo u swi paka kahle switiya, swi tala hi Evhangeli. Oho, Rito rin'wana ni rin'wana ra Xikwembu ri kahle. Hinkwaswo swi hetisekile. “Ndzi pfumela

Rito rin'wana ni rin'wana. Amen! Amen! Amen!" Xana ma pfumela leswaku Xikwembu xa ha hanyisa xana? "Amen." Xana ma pfumela leswaku Yesu wa ha ri yena tolo ni hilaha ku nga heriki xana? "Amen." Xana ma swi pfumela leswaku Moya wo Kwetsima wa ha ri wa ntiyiso tani hilaha a Wu ri ha kona xana? "Amen." Xana ma pfumela leswaku Moya lowu wu xikeleke Paul wule ku hi xikelehi na hina xana? "Amen." Xana ma swi pfumela leswaku Wu hi endlela swo fana ni leswi wu swi endleke eka vona xana? "Amen." Oho, oho, wansati u le ku tiyeni sweswi. Wa vona, u le ku tiyeleni sweswi, hi tilulamiserile ku pfala rivanti. Hiswona.

¹⁴⁹ Kutani mukamberi a pfala rivanti. Xana u endla yini? U vekela mfungho eka rona. Kutani a ya ehansi lahwani kuya kuma swipulayerani swin'wana swa swin'wana, a fika kwalahaya eka swilo leswi ntsongo a fika a swi lemela. Swa antswa mi nga wu tshovi. Loko vona, movha walowo, laha wu yaka kona hi le Boston, wu ngaka wu nga tshoveki. Wu tava wu ri nandzu endlwini ya khotswo faya xilemo xexo ku kondza yi fika eBoston. Kutani munhu loyi a nga ni matimba u ta funungula xilemo xexo, kutani yena ntsena. Sweswo hi swona. Yi lawuriwa hi khamphani *yin'wana-yin'wana* ya swiporo. I xilemo xa vona. I xileriso xa vona leswaku movha leyi yi pakiwa, movha leyi yi lulamerile. Yi fumiwa hi vona. Va ngaka va nga veki B. & O. eka Pennsylvania. Mi fanele ku lemeriwa, kutani loko yi tava yi lemeriwile.

¹⁵⁰ Kutani loko Vakreste va pakiwile na Evhangeli, va tatiwile hi vunene bya Xikwembu, hinkwaswo swilo leswinene swa Xikwembu swi tshama eka yena, hi mbilu leyi pfulekeke, leyi yi tiyimiseleke ku tirha, a ri karhi a swi tsakela ku tshamisiwa exiyin'weni, a endla swin'wana ni swin'wana leswi Moya wo Kwetsima wu n'wi byelaka ku swi endla, u hundzile eka rifu kuya eka Vutomi, u kwetsimisiwile eka swilo hinkwaswo swa misava, a famba eku Vonakaleni tani hiloko ku Vonakala ku ta eka yena, a ya emahlweni, u ti lulamiserile. Manuku Xikwembu xi pfala rivanti ra misava endzhaku ka yena, kutani xi swi raha kun'we tani hi sweswo, kutani xi n'wi lemela hi Moya wo Kwetsima wa xitsembhiso. Haleluya! Ku fikela rini xana? Ku fikela laha hi yaka kona. Mi nga n'wi kumi lahwani exiporweni kutani mi xi handzula mi vona loko hinkwaswo swa ha ri kahle nakambe. Swi kahle, ntsena swi tshikeni swi ri swoxe. Mukamberi u swi kamberile. Xana mi lemeriwile ku fikela rini xana? Ku kondza ku fika siku ra ku kutsuriwa ka n'wina. Walowo i nkarhi lowu mi nga tava mi lemeriwile wona.

¹⁵¹ "Kunene, loko u fa, swingaleswi, Makwerhu Branham, xana ku ta humeleta yini endzhaku ka loko u file, u teri wa ha tava na Wona?" U va na Wona hilaha ku nga heriki. Xana Vutomi byi sungula kwihi? E altaren. Kona kwalahaya mi

vona ndzhuti nyana. Walowo i ndzhuti, Xilemo xa Moya wo Kwetsima. Swingaleswi i ndzhuti wa mindzhuti ya mindzhuti, tani hilaha ndzi vuleke siku rin'wana. Kambe loko mi fa, mi ta tshama ma ha famba eka mindzhuti leyi ku kondza mi fika endzhonghwени, kusuka endzhonghwени mi ya exihlobyenи nyana lexi pfelelaka, kusuka exihlobyenи kuya exigovanini, kusuka exigovanini kuya enambyeni, kusuka enambyeni kuya elwandle, wa vona, ra rirhandzu ra Xikwembu. Wa ha ri munhu ya luya.

¹⁵² Langutani lahawani. Saul wa khale, mutlheleli wale ndzhaku wa khale, a nga ta swikota kuya emahlweni eka Xikwembu, hambi leswi a nga lahlekanga. Hakunene-nene a nga ri tano. A ri muprofeta, kambe ntsena u lo kumeka a ri ehandle ka Xikwembu. Xexo hi xona xivangelo, vamakwerhu, ndzi ku, "A wu lahlekanga." Swingaleswi tsundzukani, ntsena u lo kumeka ehandle ka ku rhandza ka Xikwembu, swingaleswi xo sungula mi xitivaka, a—a nge pfumelelani naswona. Sweswi, kumbexani a ndzi fanele ndzi nga swivilanga sweswo. Swi kahle, ntsena ndzi taya emahlweni ni nhlengeletano leyi tsakeke madyambu lawa. Swingaleswi nakona, maswitiva, kutani xo sungula mi xitivaka, oho, mina, manuku... U yile e—e Urim Thummim.

¹⁵³ Xana maswitiva leswaku Urim na Thummim leswaku a kuri yini, a kuri xisirhelelo xale xifuveni, xisirhelelo xa vaprista lexi—lexi a xi ambariwa hi Aroni. Kutani a xi ri tano minkarhi hinkwayo, Xikwembu minkarhi hinkwayo i Xikwembu xa le handle ka ntumbuluko lexi hlamulaka hi tindlela leti nga tale handle ka ntumbuluko. Kutani loko muprofeta a tava a profetile, kutani timboni ta vona ta swihundla a ti tanga ti ta tsemekanya Urim Thummim ya leyo, a hoxile. Loko mulorhi a virule norho wa yena kutani a wu kalanga wu voninga eka Urim Thummim, a ndzi na mhaka ni leswaku swi twakala kahle njhani, a swi hoxekile. Hi swona.

¹⁵⁴ Kutani a ndzi na mhaka ni leswaku i va dokodela va ngani lava va nga ni tidigri ni leswaku vandla ra n'wina ri kulu ku fika kwihi, loko u profeta kumbe ku chumayela, swi nga ri ku ya hi Rito leri, u hoxile, makwerhu. U... Leyi i Urim Thummim ya Xikwembu. Loko mi ku a mi hlawuriwanga ku nga si va ni masungulo ya misava, yi ngaka yi nga voningi, hikuva Bibele yi teri mi tano. Loko mi ku mi fanele ku khuvuriwa hi vito ra "Tatana, N'wana, Moya wo Kwetsima," a ri voningi, hikuva ku hava ni un'we eBibeleni a nga tshama a khuvurisa xisweswo. Ntsena hi Vito ra Hosi Yesu. A ri nga voningi, swingaleswi ku ni swin'wana swi nga hoxeka kun'wana.

¹⁵⁵ Hambi kuri hi Urim Thummim a nga kalanga a hlamuriwa Saul wa khale, kutani hambi kuri norho a nga kalanga a va na wona. A fambele ekule ngopfu ku kondza laha a pfumalaka

norho. Swingaleswi maswitiva leswi a swi endleke xana? U yile eka mungoma, kutani mungoma loyi wa khale, n'anga ya javulosi ya khale, mungoma. Hiloko a ku, "Xana wa swikota ku vitana vafi xana?"

¹⁵⁶ Wansati a ku, "Ina, kambe Saul u teri u ta dlaya un'wana ni un'wana loyi a vitanaka vafi."

¹⁵⁷ A ku, "Ndzi ta ku sirhelela," a ambarile tani hi mufambi wa milenge. A ku, "Wa nga ndzi hlahluvela hi ku vitana vafi lava nga hundza lahawani." Sweswi yingiselani leswi. "Ndzi tiseli moyo wa muprofeta Samuel."

¹⁵⁸ Kutani u yile ku-ku ya vitana vafi. Kutani, loko a swi endlile, u wile hi xikandza xa yena, a ku, "Ndzi vona swikwembu leswi tlhandlukaka swi huma misaveni." Maswivona, a ri muhedeni, "swikwembu," swimbirhi kumbe swinharhu ka swona, tani hi Tatana, N'wana, Moya wo Kwetsima, kumbe swin'wana swo fana ni sweswo, maswitiva. A ku, a ku, "Ndzi vona swikwembu leswi tlhandlukaka swi huma."

¹⁵⁹ A ku, "N'wi hlamuseli. Xivumbeko xa yena hi xihi xana? U languteka njhani xana?"

¹⁶⁰ A ku, "U larile a va ni mendlele emakatleni ya yena." A nga ncincanga, ni swintsongo.

¹⁶¹ A ku, "I Samuel. N'wi ngheniseni ekamareni leyi, n'wi tisi lahawani emahlweni ka mina."

¹⁶² Kutani langutisani loko Samuel a ta emahlweni ka Saul, a ku, "U ndzi vitaneli yini, u vona leswi u nga nala wa Xikwembu xana?" Kutani langutisani. Ku nga ri hi leswaku a hari Samuel, a ha hlayisa moyo wa vuprofeta. A ku swihoxekile, mi nge un'wana ni un'wana a ku swihoxekile. I Ntiyiso! A ha ri muprofeta. Hikuva u teri, u profetile a ku, "Nyimpi yi ta ya lwa na wena mundzuku, kutani wena ni vana va wena mi ta nghena enyimpini mundzuku, kutani hi nkarhi lowu madyambu ya mundzuku mi tava na mina." A hi swona xana? A ha ri muprofeta!

Sweswi mi ri, "Oho, kambe yaloye a ri mungoma loyi a endleke sweswo."

¹⁶³ Swi lulamile, ndzi ta mi byela Un'we loyi a nga ri mungoma. Yesu u tekile Petro, Yakob, na Yohana, kutani va ya eNtshaveni ya Nkwetsimo nkarhi wun'wani, kutani a va yimile enhlohlorhini ya ntshava. Kutani, Yesu, Xikwembu a xi ri eku tshamisiseni ka N'wana wa Xona; tani hilaha ndzi ringetaka leswi...hi vile na swona madyambu man'wana, ku tshamisia n'wana. Kutani loko va tava va swi endlile, va langutile kwalaho kutani va kuma ku yimile Muxé na Eliya. A va ri eku vulavuleni, va ri karhi va phahlelana mariyeta. Ku nga ri swijekwani nyana swo basa leswi papamelaka hinkwako,

kumbe swipapana nyana leswi ntsongo swo basa, kumbexana, swi ri eku papamalen. Kambe a vari vavanuna, lava a vari eku vulavuleni. Muxe a lahliwile esirheni leri nga tivekiki ku ringana malembe ya madzana nhungu. Kutani Eliya u yile eKaya hi golonyi, eka malembe ya madzana ntlanu. Kutani lahawani hi lava ha vambirhi lahawani, va ri eku hanyeni swinene tani hi laha va nga tshama va hanya, va yimile lahaya va vulavula na Yena A nge si ya eXihambanwini. Haleluya! “Hi lemeriwile ku kondza ku fika siku ra ku kutsuriwa ka hina!”

¹⁶⁴ Ndzi ta hatlisa, kutani hi ta pfala hikuva i vusiku, kutani hi ta khongelela vavabyi, timinetse ta kwalomu ka ntlanu. Vhese ya vu¹⁴, hlayani, mi nge ndzi yisa emahlweni ya vu¹³, maswikuma, vu yimelo.

Yaloyi na n'wina...mi nga ka yena, n'wina lava yingiseke rito leri tiyeke, yi nga evhangeli ya ku hlayiseka ka n'wina:...

¹⁶⁵ Sweswi tsundzukani, xana i ku ponisiwa kwihi loku va nga na kona? Lava a vari—lava a vari Vakreste va va-Efesa. Vona, sweswi langutani, mikale mi va xiyisisa va-Korinto? Minkarhi hinkwayo A va byela, “Loko ndzi ta exikarhi ka n'wina, un'wana u ni tindzimi, un'wani u ni tindzimi, un'wana u ni pisalema, un'wana wa profeta, un'wana u ni...” Wa vona, a ngaka a nga va dyondzisi nchumu, hikuva minkarhi hinkwayo va ni ku navela ka *leswi*, *leswiya* kumbe *swin'wana*. Vanhu lava a va ri ni swo fana, kambe va ni swona hi mukhuva lowunene. A nga kalanga a dyondzisa va-Korinto *swin'wana* handle ka *leswi*, a nga ta swikota, kereke a yi nga ri eka mukhuva lowunene *leswaku* yi nga ha swi dyondzisa. Sweswi, a nga ha dyondzisa vanhu lavo swilo swa ntifiyo.

...yaloyi, ku hlayiseka ka n'wina: eka yena siku mi...mi pfumeleke, mi funghiweke hi Moya wo Kwetsima lowu tshembhisiweke vanhu,

Lowu i xirhangana... (oho, mi nge ndzi nga swi hundzi sweswo)...xirhangana xa ndzhaka ya hina hi kondza...hi kuma ku kutsuriwa ka lava xi ti hlayiseleke vona, ku va eku dzuniseni ka ku kwetsima ka xona.

Hey!

¹⁶⁶ Xana Moya wo Kwetsima i yini? Sweswi, swingaleswi ndzi ta hlaya hinkwayo hi ku hatlisa loko mi nga ndzi yingisela swinene. Xana a hi ri kwihi madyambu man'wana, Makwerhu Mike? Laha hinkwavo a va tsakile, oho, xin'wana ni xin'wana a xi ri niku rhula, lero a kuri rirhandzu leri hetisekeke. Sweswi, minkarhi hinkwayo loko mi ta hi ndlela *leyi* mi wisela ehansi thonsi leri ntsongo, thonsi. Minkarhi hinkwayo loko mi teka goza, mi va ekusuhi swinene. Loko ri ya emisaveni, mi na

ndzhuti wa ndzhuti wa mindzhuti. Sweswi, sweswo swi hikokwalaho ka Moya wo Kwetsima lowu mi nga na wona. Lero i rirhandzu. Kambe, oho, mi ni torha ra swin'wana.

¹⁶⁷ Oho, vanhu a va swilavi ku dyuhala, vanhu lava dyuhaleke... Xana ndzi nga swilava njhani ku tlhelela endzhaku ni ya va ni khume ntlhanu nakambe, makume mbirhi! Oho, ndzi ta nyika xin'wana ni xin'wana. Xana hi swihi swa kahle swi nga ndzi endlakela swona? Ndzi nga ha va ni khume ntlhanu kutani ndzi fa madyambu lawa. A swi twisiseki. Ku nga humelela yini loko mova mi ri ni khume ntlhanu madyambu lawa, xana mi switiva njhani leswaku manana u tava a ri karhi a hanya, leswaku mi ta fika ekaya, kumbe a mi nge fiki? Xana mi switiva njhani leswaku mi ta fika ekaya? Xana mi switiva njhani leswaku mi ta pfuka ma ha hanya mundzuku loko mi ri ni malembe ya khume mbirhi hi vukhale, ni rihanyo leri hetisekeke? Mi nga ha dlayiwa hi nghozi, mi sala mi file, xin'wana ni xin'wana xi nga ha mi humelela. Leswi nga twisisekiki, wa vona. Ku hava swin'wana leswi nga twisisekiki lahawani. Kambe mi langutele sweswo. Xana i yini? Hi Wona walowo wu nga ehenhla Lahaya wu mi endlaka leswaku mi nga naveli.

¹⁶⁸ Sweswi, mi famba eka Leswi, swingaleswi mi ni Vutomi lebyi nga Heriki. Xana ku humelela yini? I xi "xirhangana."

¹⁶⁹ Xana hi xihi xirhangana xa mali eka hinkwaswo? Loko ndzi ta eka n'wina ndzi ta xava movha, ndzi ku, "Xana i mali muni movha walowo?"

¹⁷⁰ Mi ri, "Movha lowu, Makwerhu Branham, yi ku durhela magidi manharhu ya tidolara."

"Hi yihi hakelo yale hansi?"

"Kunene, ndzi ta ku pfumelela leswaku u va na yona hi ntlhanu wa madzana wa tidolara."

¹⁷¹ "Swikahle, hi leyi ntlhanu wa madzana ya tidolara. Ndzi ta—ndzi ta tisa leyi yin'wana nkarhi wun'wana, hi ku hatlisa hilaha ndzi nga kotaka ha kona. U khoma movha." Ndzi ku nyika ntlhanu wa madzana ya tidolara, xexo hi xona xirhangana. A hi swona xana?

¹⁷² Sweswi, khomani sweswo, i "xirhangana," i "hakelo ya le hansi."

...siku mi funghiweke hi... Moya lowu tshembhisiweke vanhu, mo... Moya lowu tshembhisiweke vanhu, ...siku mi funghiweke...

Lowu i...

Xana, xana hi xihi xitshembhiso xa Mfungho lowu wu tshembhisiweke, hi Moya wo Kwetsima xana?

Lowu i xirhangana xa ndzhaka ya hina hi kondza... hi kuma ku kutsuriwa ka lava xi ti hlayiseleke vona,...

¹⁷³ Xana i yini? I hakelo yale hansi. Kutani, makwerhu, oho, oho, oho, oho, vachumayeri! Loko leswi kuri hakelo yale hansi, xana yi tava ya njhani loko hi ya fika kwalahaya! Xana yi tava yihi? Loko leswi kuri... Loko leswi kuri leswi hi tiphinaka ha swona sweswi, kutani hi kumeka hi tsakile ku kondza... Ndzi vonile vavanuna va malembe ya makume nkaye hi vukhale ntsena va ri eku teni...

¹⁷⁴ Ndzi vonile muchumayeri un'wana wa mudyuhari loyi a nga yima vusiku byin'wana. U tile, a fika a ku... Tani hi *leswi*, a ta eka platifomo. Kutani ndzi ku, "Xana mukhalabya yaloye u ya eku chumayeleni xana?"

¹⁷⁵ A ku, "Kunene, a ku nkhensiwe Hosi." Nakulorhi wa mudyuhari wa mukhaladi, muchumayeri lonkulu wo leha wo dyuhala a ambarile khancu.

¹⁷⁶ Ndzi ku, "Xana hikokwaho ka yini va nga pfumelelanga van'wana va vachumayeri lava tshwa va chumayela xana? Mukhalabya yaloye, leswi a nga tshama a swi chumayela?"

¹⁷⁷ A ku, "Kunene," a ku, "vamakwerhu," a ku, "namunthla a ndzi yingiserile vamakwerhu loko va chumayela siku hinkwaro," a ku, "hi leswi Yesu a swi endleke emisaveni. Ndzi ya eku vuleni ka leswi A swi endleke eTilweni." A ku, "Ndzi ta teka tsalwa ra mina madyambu lawa eka Yobo 7:27," a ku, "loko kuri endzhaku lahaya ku nga si va ni masungulo ya misava," a ku, "loko A teri tinyeleti ta ni mixo tiyimbelerile kun'we kutani vana va Xikwembu va huwelerile hi ntsako." A sungurisa xi sweswo. A ku, "Maswitiva leswi, ku ni swin'wana leswi fambeke lahaya endzhaku." A ku, "Maswitiva..." Kutani u sungurile ku nyika leswi tekeke ndhawu eTilweni. A tisa nkwangula-tilo ehansi eka ku Vuya ra vumbirhi. Hi nkarhi walowo, Moya wo Kwetsima wu n'wi bile. Sweswi, a va fanele hi ku humesela nakulorhi wo dyuhala ehandle, a ri kwalomu ka makume nkaye-ntlhanu wa malembe hi vukhale. Ntsena a ri tani hi *leswi*, hinkwaswo a swi gombonyokile, ntsena xirhendzevutani nyana xa misisi, maswitiva, tani hi *leswi*. U yile lahaya a ya sungula ku chumayela, a ku, "Huupii! Haleluya! Wa kwetsima!" A kumeka a tlulela ehenhla ni le hansi hi ndlela yaleyo. A ku, "Oho, a mi ni ndzhawu leyi eneleke lahawani eka mina leswaku ndzi chumayela." Kutani a suka, a ya ehansi eka floro tani hi sweswo, hi ku tika tani hi laha a nga yisa xiswona. Kutani sweswo ntsena a kova xirhangana. Oho!

¹⁷⁸ Xana Moya wo Kwetsima wu endla yini? Oho, hi leyi ndhawu ya kahle, mi nge ndzi hlaya vthese ya vu1 ya papila leri landzelaka. Xana ndzi nga yi hlaya? Hi swona xana? Mi nge,

“Amen.” [Nhlenegeletano yi ku, “Amen!”—Muhleri.] Swikahle, vhesa ya vul ya papila ra vu², hi xihatla. Yingiselani. N’wina lava a mi... n’wina...”

Kutani n’wina lava a mi hanyiseke, lava a mi...file emilandzwini ni le ku dyoheni ka n’wina:

¹⁷⁹ “N’wina a mi hanyiseke.” Xana swivula yini ku *hanyisiwa?* “Ku endliwa mi hanya.” Ntsena a mi fambile, kambe U mi hanyisile ntsena hi xirhangana xa mali. Xana a swi tava njhani loko hinkwenu—loko hinkwenu a mi kumile hakelo leyi hakeriweke ya ku hanyisiwa? Oho! A swi hlamarisi loko Paul, a kumekile eka tilo ra vunharhu, a ku, “Tihlo a ri vonanga; ndleve a yi yingisanga; hambi kuri ku nghena, ku nghena ka mbilu ya munhu, leswi Xikwembu xi nga va vekela swona (evuhlayiselweni) lava va Xi rhandzaka.” Xana swi tava njhani sweswo! Mi vulavula hi ntsako lowu nga hlamuselkiki niku dzuneka loku hetisekeke! Heyi! Uhm! N’wina lava nga kala mi fela evudyoheni nile milandzwini Xi mi hanyisile kun’we hi ndzhuti wa ndzhuti wa mindzhuti. Xana ku ta humelela yini loko mi ta eka ndzhuti wa mindzhuti endzhutini, ndzhuti kutani kuya exinkobyanini, exinkobyanini kuya enambyeni, enambyeni kuya elwandle?

¹⁸⁰ Kutani swi tava njhani loko mi ri endleleni lahaya ya ku kutsuriwa, ni miri lontshwa, mi ta hundzuka vavanuna lava ntsongo nakambe, kumbe vavasati lava ntsongo, a mi nga ha kali mi fa nakambe? Kutani mi ta languta ehansi emisaveni, kutani miehleketa, “Ndzi nga ha tiphina hi tidiriva ni mati lamo titimela, kambe, maswitiva, a ndzi swilavi lahawani. Kambe siku rin’wana Yesu u ta vuya, kutani miri lowu wa vuntsumi, lowu wu faka lowu ndzi hanya eka wona...” A wu nga hati hi xivelekelo xa wansati nakambe, a wu nga hati hi ku navela ka timhaka ta masangu nakambe; kambe hikuva U tswariwile ehandle ka ku navela ka timhaka ta masangu, ndzi ta pfuxiwa swi nga ri kona, kutani U ta vulavula siku rin’wana kutani lava feleke ka Kreste va ta pfuka, kutani miri lowu ndzi nga tshama ndzi hanya eka wona wu ta pfuxeriwela eka miri lowu kwetsimisiweke, kutani ndzi ta famba niku vulavula, kutani ndzi ta hanya ndzi tlhela ndzi tiphina (haleluya), ndzi ta hanya eka tinguva leti nga Heriki leti nga tata, ha Yesu Kreste Hosi ya hina. Heyi! Kwalaho mi nga kona, makwerhu, yaleyo hi yona Evhangeli!

¹⁸¹ “Hikwalaho na mina,” ntsena Paul u hlamusela leswi a nga xiswona. Ndzi ta hlaya hinkwayo kutani swingaleswi hi ya khongelela vavabyi. “Ku kondza rifuwo, lexi i xirhangana ku kondza hi kuma rifuwo, eka ku dzuneka ka ku kwetsima ka Yena.”

Hikokwalaho na mina, mpfhuka ndzi tweke mhaka ya ku pfumela ka n’wina (Ndzi switwile leswaku mi pfumela eka

swilo leswi, ndzi switwile hakunene leswaku mi pfumerile eka ku hlawuriwa, Vutomi lebyi nga Heriki, ni ku ponisiwa, ni kuya emahlweni) *eka Hosi Yesu, ni rirhandzura n'wina eka hinkwavo... vakwetsimi,*

A ndzi tshiki ku nkhensa hikwalaho ka n'wina, ndzi ri karhi ndzi mianakanya emikhongelweni ya mina;

Leswaku Xikwembu xa Hosi ya hina Yesu Kreste, Tatana wa ku vonakala, a xi mi nyike moywa wa vutlharhi ni wa ku hlavutela... eku tiveni ka xona: Ntsena leswaku xi tshama Xi tihlavutela eka n'wina minkarhi hinkwayo, mi kula etintswalwini ku ya etintswalwini, kusuka ematimbeni kuya ematimbeni, kusuka evukwetsimeleni kuya evukwetsimeleni. Ku nga ri ku tlhelela endzhaku; kutani, kambe kusuka evukwetsimeleni kuya evukwetsimeleni, mi ri karhi mi ya emahlweni. Ndzi ta tama ndza ha mi khongeleta.

A swi—a swi voninge mahlo ya timbilu ta n'wina...

¹⁸² Ham! Maswitiva, eBibeleni yi ri mi mabofu kutani a mi switivi. Kambe lahwani Paul u ri, “Ndzi ya eku mikhongeeleni leswaku swi voninga mahlo ya...” Mi twisisa hi timbilu ta n'wina. Sweswo hi leswi a vulavula hi swona. Mi languta hi mahlo ya n'wina, kambe mi vona hi timbilu ta n'wina. Maswitiva sweswo. Swi lulamile. “Leswaku Xikwembu xa ku Dzuneka...” A hi voneni, vhese ya—ya vu18.

A swi voninge mahlo ya timbilu ta n'wina; mi ta tiva ku tshembha loku nga kona eku vitaniweni ka n'wina ha xona, ni rifuwo ra...ku kwetsima ka ndzhaka leyi lunghiseriweke vakwetsimi,

Kutani mi ta tiva ni vukulukumba lebyi nga hlambanyisiwiku bya matimba ya xona eka hina... (Heyi! Va ri matimba ya hundzile? Matimba a ya se fika hambi kuri ku fika)... eka hina vapfumeri, kuya hi mintirho ya matimba ya xona,

N'wina lava mi pfumeleke eka mintirho ya matimba ya Xona, ntsena ndzi khongela leswaku Xikwembu xi chululela matimba ya Xona eka n'wina. Wa vona?

Lawa xi tirheke ha wona eka Kreste, loko xi n'wi pfuxa—n'wi pfuxa eku feni, xi vuya xi n'wi tshamisa evokweni ra xinene ra xona... etindhawini tale matilweni,

Ehenhla...ka vukulukumba hinkwabyo,...ku fuma,...ni matimba,...ni vuhosi hinkwabyo, nile henhla ka mavito hinkwavo lama nga vuriwaka,...

¹⁸³ Oho, oho, oho! Hikuva... Ee, swa antswa ndzi swi tshika. Hi nga teka vusiku hinkwabyo ha swona hakunene.

...ehenhla ka mavito hinkwawo lama vuriwaka, ku nga ri eka misava leyi ntsena, kambe ku ri ka misava leyi nga ta ta:

¹⁸⁴ Xana i yini—xana i yini mavito hinkwawo? Vito ra munhu un'wana ni un'wana ri ta hlayisa Vito ra mani xana? [Nhlengeletano yi ku, "Yesu"—Muhleri.] Tilo hinkwaro ri thyiwile Yesu. Kereke hinkwayo yi thyiwile Yesu. Swin'wana ni swin'wana swi thyiwile Yesu, hikuva i Vito ri ri roxe leri Xikwembu xi nga kala xi va na rona. Xi thyiwile Yehovha; Yehovha-yire, Hosi leyi yi nyikeleke Xithavelo; Yehovharapha, Hosi leyi hanyisaka; Yehovha, mujeko wa Hosi, Manase; kutani Yehovha, va Yehovha lava hambaraneke. Xi thyiwile Nyeleti ya ni Mixo. Xi thyiwile Tatana, Xi thyiwile N'wana, Xi thyiwile Moya wo Kwetsima. Xi thyiwile Alfa, Xi thyiwile Omega. Xi thyiwile Masungulo, Xi thyiwile Mahetelelo. Xi thyiwile Rhavi. Oho, Xi thyiwile... Ntsena Xi thyiwile tinxaka hinkwato ta swiyimo, kambe Xi ni Vito rin'we.

¹⁸⁵ Sweswo hi leswi Matewu a vulavula hi swona, loko A teri, "Yanani ha kona mi ya dyondzisa va matiko hinkwavo, mi va khuvula hi Vito," ku nga ri mavito, "hi Vito ra Tatana, N'wana, ni Moya wo Kwetsima." Tatana a hi vito, N'wana a hi vito, Moya wo Kwetsima a hi vito. I swiyimo swo yimela Vito. I Vito ra Mintumbuluko yi nharhu leyi nga ya Xikwembu xin'we. Xana hi rihi Vito ra Xona xana? Ntsumi yi teri, "Lava nga ta vitana eka Vito ra Xona..." [Nhlengeletano yi ku, "Yesu."—Muhleri.] "hikuva Xi ta ponisa vanhu va Xona evudyoheni bya vona." Xexo hi xona xivangelo xa kuva hinkwavo va khuvuriwile hi ndlela yaleyo eBibeleni. Sweswo hi swona leswi Mukwetsimi Augustine a khuvuriseke xi swona Hosi ya Nghilandhi, kwalomu—kwalomu ka dzana na ntlanu wa makume, madzana mambirhi ya malembe endzhaku ka rifu ra Kreste, hi Vito ra Yesu Kreste. Hiswona.

Ehenhla...ka vukulukumba hinkwabyo,...niku fuma hinkwako,...ni matimba hinkwawo,...ni vuhosí hinkwabyo, leswaku—leswaku nile henheni ka mavito hinkwawo lama nga vuriwaka, ku nga ri eka misava leyi ntsena, kambe nile ka misava leyi nga ta ta:

Kutani u vekile hinkwaswo ehansi ka milenge ya yena, a tlhela a n'wi veka ehenhla ka hinkwaswo ku va nhloko ya kereke,

Lowu wu nga miri wa yena,...

¹⁸⁶ Sweswi, loko miri wa mina wu ri ni ku fuma swilo hinkwaswo, kutani leswi miri wa mina wu nga xiswona hi leswi ndzi nga xiswona. A hi swona xana? Sweswo hi leswi ndzi nga xiswona, sweswo hi leswi mi ndzi tivisaka xi swona. A hi swona xana? Kunene, manuku, hi nkwaswo leswi Xikwembu a xi ri na swona, Xi swi chululerile eka Yesu, hikuva hi Yena

ku hetiseka ka miri wa Vukwembu. A hi swona xana? Kutani hinkwaswo leswi Yesu a ri na swona, U swi chululerile eka Kereke, "Hinkwaswo leswi Ndzi swi endlaka, mi ta swi endla na n'wina. Mi ta endla ni leswikulu swo tlula leswi ndzi swi endleke, hikuva Ndzi ya eka Tatana."

Lowu wu nga miri wa yena, niku hetiseka ka loyi a hetisekaka hinkwaswo eka hinkwavo.

¹⁸⁷ Oho, ndzi swi rhandza njhani sweswo! Ndzi swi rhandza njhani sweswo! Siku rin'wana a ndzi ri eku hlayeni ka buku leyti tsariweke hi rendzo leri ndzi ri tekeke kuya eku chumayeleni—chumayele eAfrika. A ndzi se tshama ndzi yi hlaya. Xana i vangani lava nga tshama va yi hlaya buku ya, *Muprofeta A Endzela Afrika?* Kwalahaya a ndzi ri ku languteni ka xijahetani xa Mukula. I vangani lava va voneke xifaniso xexo?

¹⁸⁸ Ndzi twile muvhangeli un'wana, loyi a khongelegeleke vavabyi ku ringana kwalomu ka khume ntlhanu wa malembe kumbe ku tlula, u teri, "A ndzi se tshama ndzi vona masingita ma endliya evuton'wini bya mina." U teri, "Ndzi vonile vanhu lava va nge teri va pandziwa hi tinhloko, va hanyisiwa. Ndzi vonile vanhu lava a va ku va lumiwa ekhwirini, va hanyisiwa, ni kuya emahlweni. Kambe masingita, swin'wana leswi nga tumbuluxiwa niku endla swin'wana . . ."

¹⁸⁹ A ndzi ehleketa leswaku jaha leri ri fanele ri yima lahaya ri ta vona sweswo. Nenge wa jaha lero ra Mukula a wu kukumukile hi *lahawani*, wun'we wa yona. Lowu wun'wana a wu ri nenge wa kahle tani hi nenge wa munhu. Kutani, loko mi nga swi xiyisisa, ku khomanana ka yena, a kuri ni ntanghu leyti a yi ri kwalomu ka khume mune wa ti inci kumbe khume ntlhanu wa ti inci hi ku ya ehenhla, tani hi leswi. A wu ri ni ndhinchi ya nsimbhi ehansi ka yona. Ntanghu ya yena a yi yile ehenhla ehenhleni ka mimpimo yi mbirhi yo leha leyti yi yimeke. U tile laha a ndzi yimile kona, va n'wi tisile kwalahaya. A ri ni tinhonga timbirhi to famba hi tona. U tekile ntanghu leyikulu leyti ya nsimbhi kutani a yi bisanisa nale hansi hi ndlela ya leyo. Ndzi languta nenge wa yena, a wu kukumukile tani hi *sweswo* hinkwawo.

¹⁹⁰ Sweswi, vanhu va kona i va Mohammedan, va Mohammedan. Xana ma tsundzuka Sonto lowu hundzeke loko ndzi ta mi hlayela leswi a swi ta tsariwa eka maphepha? A ndzi ri na wona lahwani hi vumina, ma huma eAfrika, ndzi rhumeriwile wona hi mixinari wa hina la nga tlhela, Makwerhu Stricker. Ku ni atikili laha Billy Graham a nga swi seketela. Hakunene. Va pfumelerile Mohammedan leswaku a va sukumetela elwandle. Mhaka i yini xana? Vamixinari va siya nsimu. Xana ha ha tshamele yini nkarhi wo leha, ntsena va biwile hi kharisa.

¹⁹¹ Ndza n'wi rhandza Billy Graham, kutani ndzi ehleketa leswaku i wanuna wa kahle wa Xikwembu. Kambe leswi Billy Graham a faneleke ku hehliwa hi swona, a ku, "Yimani nyana . . ." loko van'wana lava tinonohisaka va Baptist a va lo n'wi pfumelela ku swi endla, ndzi pfumela leswaku a tava a swi endlile. Ndza pfumela leswaku Billy Graham i wanuna wa Xikwembu. Kambe loko a teri, "Yimani nyani! Ndzi muvuli wa Evhangeli. Mi pfumela eka Testamente ya Khale, kutani mi ku Yesu a nga ri nchumu a ri munhu ntsena. Ndza mi ntlhotlha eka mphikizano wo vulavula." A ndzi pfumeli eka ku teka mintlhotlho ya Javulosi, ee nkulukumba, kambe ndzi n'wi tlhotlhile endzhaku, kutani a ku, "A hi hlangani wena na mina. Ndzi Dokodela wa swa Matimba," Billy Graham i Dokodela wa swa Matimba. "Mi nge ndzi mi ntlhotlha eka leswi, ni ku mi kombisa leswaku Yesu i Kreste. Sweswi, loko swi ta eka Matimba ya ku hanyisa, a ndzi ti soli tinyiko leti, kambe hi ni vamakwerhu van'wana lava nga ni tonu. Sweswi, loko mi lava ku tisa vanhu lava nga lahayu, mi nge ndzi vitana un'wana wa vona, Oral Roberts kumbe un'wana, un'wana loyi a nga ni ministri lowukulu lowu hakunene wu nga fika lahayu." Wu ta lahayu, kutani mi swivonile leswaku ku humelela yini, a ku, "Vukreste a hi leswi mi byi ehleketsaka xiswona."

¹⁹² Sweswi un'wana ni un'wana u twa swi n'wi yisa ehansi hikuva u suke a famba a n'wi siya. Hikuva, sweswi, a ndzi pfumeli eka ntlhotlho lowu Javulosi a mi nyikaka wona. Ndzi n'wi tshutele hi marha na mina exikandzeni xa yena tani hi sweswo, kutani ndzi hambana na yena. Hi swona. Kambe loko swi ta endhawini ley... . . . Billy a nga hava a—a nga hava a endlile leswaku Mohammedan a titwa a ri rihlanga nyana tani hi *sweswo*. A nga hava a tekile Bibele yaleyo kutani a pfula Esaya 9:6, kutani a ku, "Xana i mani loyi a vulavula hi yena, 'Hi velekeriwile N'wana, hi nyikiwile N'wana?' Xana a ri mani Wanuna loyi? Xana a ri mani Loyi a vulavula ha yena? Xana a ri mani Muprefeta loyi? Xana a ri mani Mesiya loyi a fanele ku ta xana? Ndzi kombeni laha a nga ti humesa Yena hi yexe eka Mohammed. 'U twisiwile ku vava hikwalaho ka swidyo ho swa hina, a xaniseka hikwalaho ka vudyoho bya hina, ha rhuketeriwa hikokwalaho ka ku rhula ka hina eka Yena, hi timbangta Yena hi hanyisiwile.' Ndzi kombeni swona eka Mohammed. Xana u ririse ku yini loko a ku, 'Xikwembu xa Nga, Xikwembu xa Nga, xana U Ndzi tshikele yini? Va tlhavile mavoko ya Mina ni milenge ya Mina,' ni kuya emahlweni? Ndzi kombiseni hi rito ra n'wina, hi testamente ya n'wina." Hikokwalaho ka yini, u bile Mohammadan ya loye ku kondza a nga ha ku tivi laha a ri kona. Hi swona.

¹⁹³ Kambe loko phepha ri fanele ku hundzuluxiwa, sweswo hi leswi swi vavisaka, leswi endleke mbilu ya mina yi tlula. Loko ri teri kwalahaya, "Wena Billy u fanele ku swi seketela

kutani u endla leswi u nga seketelaka ha swona, xana va Mohammedan va nga vula njhani leswaku swi hoxekile,” a ku, “loko Mufundhisi William Branham eDurban, eAfrika Dzonga, eka mahlori lawa ya nga tengisiwangiki endzhaku ka mahlori, ku bvumbha ka Matimba, loko khume ra magidi ya va Mohammed va wile hi mimombo ya vona hi nkarhi wun’we kutani va nyikela vutomi bya vona eka Yesu Kreste.” Hi ku hetiseka. Va switiva ha wona. Mongo wa vona wa mhaka va wu tiva. Mi nga ka mi nga ndzi byeli.

¹⁹⁴ Nkarhi wun’wana ku vile ni un’wana loyi a nga ta eka Yesu, a ku, “Rabi!” Maswitiva leswaku a ri mu-Farisi. A ku, “Ha switiva leswaku U Mudyondzisi la humaka eka Xikwembu. Ha switiva. Ha switiva, hikuva a kuni munhu loyi a nga endlaka swilo leswi U swi endlaka handle kaloko Xikwembu xi ri na Yena. Ha swi twisisa. Ha switiva. Kambe ntseña a hi nge tisolí eka swona, wa vona, hikuva loko hi nga swiendla, kunene, hi ta hlongoriwa ekerekeni ya hina. Wa vona, hi ta lahlekeriwa hi swiyimo swa hina.” Kutani Yesu a ku, a sungula ku n’wi byela leswaku u fanele ku tswariwa ra vumbirhi.

¹⁹⁵ Eka jaha lero ra Mohammedan, loko ra ha yimile kwalahaya, hi lexiyani xifaniso xa yena. Khamera a yi nge teki vunwa. Hi luya lahaya a yimeke, ni nenge wun’we lowu wu nga koma swinene (kwalomu ka khume mune wa ti inci) kutlula lowu wun’wana, u yimile eka ntangu yaleyo ya nsimbhi. Ndzi ku eka yena, ndzi ku, “Xana u vulavula Xinghezi xana?”

¹⁹⁶ “Ee, nkulukumba.” A nga xi tivi Xinghezi. Toloki yi ku, “A nga vulavuli Xinghezi.”

“Xana kusukela rini u ri hi ndlela yaleyo?” Toloki yi n’wi vutisa.

“Kusukela ndzi tswariwa.”

“Xana u nga swi kota ku famba-fambisa nenge xana?”

“Ee, nkulukumba.”

“Xana wa pfumela eka Yesu Kreste xana?”

A ku, “Ndzi Mohammedan.”

Ndzi ku, “Xana u ta n’wi amukela Yesu Kreste loko A nga ku hanyisa?”

¹⁹⁷ “Ndzi ta n’wi amukela Yesu Kreste tani hi Muponisi wa mina loko A nga ndzi hanyisa.”

¹⁹⁸ “Loko A nga endla walowo wu va kahle, nenge walowo wu ta ku kotisa lowu wun’wana, xana u ta N’wi amukela xana?”

“Ndzi ta N’wi amukela.”

¹⁹⁹ “Kunene, Xikwembu, xana U ta endla yini?” Leswi i swa vumbirhi; swivutiso hinkwaswo swi hlamuriwile. Makwerhu Mike, sweswo i vutitwi. Ndzi rindzerile xinkadyana ku vona

leswi A nga ta swi vula. Ndzi langutile lahaya kutani ndzi vona jaha ri ri eku fambeni, ri ri eku tifambeleni, tani hi le tlhelo ka khumbhi tani hi sweswo. Ndzi ku, "Mi vangani n'wina va-Mohammed n'wina mi nga ta swi amukela xana? Hi leri jaha ra Mohammed, n'wi languteni, n'wi yimiseleni ehenhla kwalaho." Ndzi ku, "N'wina madokodela, xana mi lava ku n'wi languta xana? Kwalahaya a suka a yima." Oho, ma ku tiva laha mi nga kona sweswi. Wa vona, ma ku tiva laha mi yimeke kona. A ku na munhu... Lahaya u kona.

²⁰⁰ Ndzi ku, "Famba u tsemekanya hi ndlela leyi, jaha." Kutani va n'wi khomile, hi loyi a taka lahawani. ("Ta-lamp, ta-lamp.") Ndzi ku, "Wu languteka tani hiloko wu ri ni kwalomu ka khume mbirhi, khume mune wa ti inci hi ku koma. Kwalomu ka swin'wana swo fana ni *sweswo*."

"Ina."

²⁰¹ Ndzi ku, "Kambe Yesu Kreste N'wana wa Xikwembu u ta n'wi hanyisa. Xana n'wina va Mohammedans ma swi pfumela niku N'wi amukela tani hi Muponisi wa n'wina xana?"

²⁰² Ku vile ni magidi ya mavoko ya vantima lama yimisiweke hi ndlela yaleyo. "Kunene, Hosi, sweswi i nkarhi." Ndzi ku, "Tatana wa le Tilweni, Wena u nga tshama u hlamula, ndzi hlamuli sweswi, leswi i swa ku Kwetsima ka Wena, leswi i swa Wena. Ndza khongela leswaku U hanyisa jaha leri." Ntsena ndzi n'wi khongelerile hi ndlela yaleyo.

²⁰³ Ndzi ku, "Hluvula ntanghu ya wena." A ndzi langutisa hi ndlela yi n'wana, toloki. Ndzi ku, "Hluvula ntanghu ya wena." A yi chucha. Hikuva a ndzi vonile xivono xexo, leswi a swi ya eku humeleleni. U hluvurile nchumu walowo. Loko a yi hluvurile a famba lahaya a ta eka mina, milenge ha yimbirhi a yi ri kahle, tani hiloko ha yimbirhi yi ri yintshwa. Ndzi ku, "Xana u lava ku ya endzhaku ni le mahlweni xana?"

²⁰⁴ U sungurile ku rila hi ndlela yaleyo, a ya endzhaku ni le mahlweni, a nga switivi leswi a nga swi endlaka. A famba tani hi sweswo, a ku, "O Ala! Ala!"

Ndzi ku, "Yesu! Yesu!"

Oho, oho, oho! "O Yesu! Yesu," kwalaho. "Yesu! Yesu," hi ndlela yaleyo.

Ndzi ku, "Xana ku ni swivutiso swin'wana, swivutiso swin'wana?"

²⁰⁵ Julius Stadsklev, xana i vangani lava n'wi tivaka? Makwerhu Stadsklev u tile lahawani ekerekeni; ntsena—ntsena u yile eJarimani. U teri, "Yima nyana, Makwerhu Branham, ntsena yima nyana." A tisa muteki wa swifaniso hi xihatla. "Xana ndzi nga xi kuma xifaniso xa yena xana?"

Ndzi ku, "Tipfuni wena hi wexe."

²⁰⁶ “Famba *lahawani*, veka ntanghu ya wena *lahawani*.” U yimile hi ndlela yaleyo, a teka xifaniso xa jaha kwalahaya, ni milenge ya yena ha yimbirhi ntsena yi ri kahle niku lulama tani hilaha a yi fanele kuva ha kona. Lahaya a ku vekiwile ntangu ya yena ya khale ni nhonga, hi ndlela *yaleyo*, hi ndlela *yaleyo*.

²⁰⁷ Ndzi ku, “Xana mi va ngani n’wina va Mohammedans lava sweswi mi landzulaka Mohammed tani hi muprofeta, kutani mi pfumela ka Yesu tani hi N’wana wa Xikwembu, ni ku N’wi amukela tani hi Muponisi wa n’wina?” Khume ra magidi ya mavoko ya yimele emoyeni. Haleluya! A va lavi ku . . .

²⁰⁸ Va ringeta ku swi tumbeta, hikokwalaho ka kuva hi ri “vawkwetsimi lava vumbulukaka,” va hi vitanisa xiswona, maswivona. Ntsena ku fana, Xikwembu xile ku fambeni. Xi tshamisisa Kereke ya Xona. Xi le ku engeteleni, hi xitalo ehenhleni ka hinkwaswo leswi hi nga swi endlaka kumbe ku ehleketa. Ntsena xa ha ri Xikwembu hi vunyngi madyambu lawa tani hi laha Xi nga tshama xi va ha kona.

²⁰⁹ Swingaleswi, vanghana lavantsongo, mi nge ndzi mi byela swin’wana sweswi. Vanhu va mina lava rhandzekaka vo saseka, n’wina mi nga etikweni leri, ni van’wana lava va nga etikweni ra tithepi leti ti nga tava endzhandzheni wa malwandle ni hinkwako laha mi nga kona, mi nga chavi. Hinkwaswo swi lulamile. Tatana, Xikwembu, ku nga si va ni masungulo ya misava, xi tivile hinkwaswo leswi nga ta humeleta. Hinkwaswo swi tirha kun’we. Ma Xi rhandza xana? Hlayisani timbilu ta n’wina.

²¹⁰ Kutani, tsundzukani, loko ku hefemula loku ku hundza eka vutomi lebyi, eka n’wina vadyuhari kumbe n’wina lavantshwa, na n’wina vamanana, loko mi vona ticece ta n’wina, rincence ra xinhwenyetana loko ri fa ri nga si va ni nhungu wa masiku hi vukhale kumbe ntlhanu wa masiku hi vukhale, u tava a ri wansati wo saseka loko mi ta n’wi vona. Mukhalabya ya loye a khalabyeke, loyi a nga ha kuvoniki laha a yaka kona; loko mi ta n’wi vona, mukhegula, u tava a ri munhu wa kahle wa tintshwalo, a ri lontsongo tani hiloko a ri kwalomu ka makume mbirhi wa malembe hi vukhale, ntsena a ri ni vumbhuri bya vuntshwa. Kutani u tava hi ndlela yaleyo hilaha ku nga heriki. Mi nga ha khumbha voko ra yena, mi nga ha tlhavulana mavoko na yena. Mi nga ha vukarhana na yena, kambe a ngaka a ngavi “nuna,” u tava a ri “makwerhu.” Oho, mina! U tava lonkulu ku tlula “nuna.” Mi ehleketa leswaku ma n’wi rhandza xana? Hakunene mi swi endlile. Kambe lero a kuri *fileyo*; yimani ku kondza mi kuma *agapawo*. Yimani ku kondza rirhandzu lero ra Matimba ri khomelela, kutani mi vona leswaku ri yini. Leri ri nga lahwani rova ntsena ku fufunha ka tala, a ri kahle, a ri na nchumu. Nchumu wun’we ntsena lowu ndzi nga mi tsundzuxaka wona leswaku mi wu endla sweswi, hi leswi, vanghana va—va—va mina . . .

²¹¹ Xinkadyana lexi taka ndzi ta... Xana a mi nge swi tsakeli leswaku ndzi va tekela tindzimana tin'wana timbirhi nkarhi wun'wana? Hosi... Ndzi—ndzi fanele ku wisa nyana ndzi nga si ya eChautauqua. Sweswi, a ndzi nge swi chumayeri leswi eka tinhlengeletano ta vona. Ku ni votala lava nga-...ku ni votala lava pfumelaka swo hambanana. Wa vona? Leyi yo va kereke yi ri yoxe ntsena. Wa vona? A ndzi nge swi koti...ndzi ni nfanelo yo chumayela leswi ndzi swi lavisaka xiswona. Leyi i tabernakele ya mina, wa vona, kutani ndza mi byela. Sweswi, ndzi pfumela leswaku vanhu va kona va ponisiwile. Ina, nkulukumba, ndza swi pfumela hi ntiyiso. Kambe, oho, swi nga va njhani loko ku ri ku famba laha mi ku tivaka laha mifambaka kona. Swi nga va njhani, mi switiva, ntsena ku tiva leswi mi swi endlaka, maswivona, ematshan'wini yo dedeleka, mi tiphija. Ntsena a hi yimeni eku Vonakaleni, kutani hi famba eku Vonakaleni kutani mi tiva ndlela leyi mi nga yi kongoma. Sweswo i ntiyiso. Hosi a yi ve na n'wina.

²¹² Kutani loko kuri ni un'wana wa n'wina lahawani sweswi loyi a nga tshamisiwangiki exiyin'weni! Mi nga hava mi nga ri nchumu kambe wansati wa muti. Kunene, mi ri, "Makwerhu Branham, a ndzi kalanga ndzi endla nchumu evuton'wini bya mina. A ndzi muchumayeri." Kunene, kumbexani Xikwembu xi mi tisile lahawani ku kurisa vana va ndyangu, endyangwini walowo wa vana ku nga ha huma ndyangu wun'wana wa vana lowu ku nga tava kuri swichumayeri leswi swi nga ta yisa mimoya ya miliyoni eka Kreste. Mi fanerile ku va kwalahawani. Mi lahawani hi xikongomelo. Xana maswitiva sweswo?

²¹³ Kunene, mi ri, "Hinkwaswo leswi ndzi nga tshama ndzi swi endla a ku ri ku fayeleta mabuwadi lawa ya khale. Kutani a ndzi huma madyambu man'wana ni man'wana, ndzi nga switivi leswaku ndzi nga va hanyisa njhani vana va mina. Ndzi langutile vanakulorhi va swisiwana lava a va nga ambalanga tintanghu. Ndzi tshama ndzi rila. A ndzi ri ni ximovhani, kutani mina na Maw hi yile ekerekeni." U nga vileli, makwerhu. Ntsena tshama u ri karhi u N'wi rhandza, U na xikongomelo na wena. Ntsena tshama kahle tani hi laha u nga xiswona, ntsena yana emahlweni. Wa vona? Swi nga ha endleka u nga se tshama u chumayela nchumayelo, kambe swi nga ha endleka u va kokwani wa kahle wa xinuna wa loyi a nga ta swi endla.

²¹⁴ Xana maswitiva leswaku Xikwembu xi nyikile xikweleti (a hi voneni sweswi, xana a ri mani vito ra yena?) Levhi, ku humesa vukhume loko a ha ri exisutini xa Abraham, loko Melkisedek a tava a hlanganile na yena. Xana i vangani va switivaka sweswo xana? Kutani a hi voneni. Abraham u tswarile Isak, Isak a tswala Yakob, Yakob a tswala Levhi; laha a ri tatana, kokwani wa xinuna, kokwa-kokwani; loko a ha ri

exisutini, eka rixaka ra kokwa-kokwani, Bibele yi n'wi nyikile xikweleti xo humesa vukhume eka Melkisedek. Mina, mina, mina, mina! Makwerhu! Oho! Ndzi . . .

²¹⁵ Ku ni lontsongo—ku ni wanuna lontsongo wa Munghezi loyi a hundzukeke kwalahaya eNghilandji madyambu man'wana, a ku, “Ndzi tsakile ngopfu! Swingaleswi ndzi tsakile ngopfu!”

²¹⁶ Ina, ndzi tsake ngopfu ku tiva leswaku sweswo i ntiyiso! Kutani siku rin'wana leri kwetsimaka, a ndzi switivi leswaku siku lero ri ta va rini, kambe loko sweswo ku ri xivono, a ndzi vuli leswaku a ndzi ri lahawani. Tsundzukani, minkarhi hinkwayo tekelani leswi enhlokweni, swi nga ha endleka va khomi va tithepi va endla swo fana. Hambi a ndzi ri ka xivono, kumbe a ndzi rhwariwile hi Moya, a ndzi switivi. Kambe a swi ri swa ntayiso tani hiloko ntsena ndzi khoma Makwerhu Neville tani hi *sweswo*, ntsena hi ntayiso. Kutani ndzi nga ha swikota ku languta ni ku vulavula ni vanhu lava. Kutani lahaya a ku yimile nsati wa mina wo sungula, a nga kalanga a ndzi huwelela a ku “nuna wa mina,” u teri, “makwerhu wa mina la rhandzekaka.”

Lahaya a ku yimile nhwana loyi a ndzi toloverile ku famba na yena malembe lawa ya hundzeke.

²¹⁷ Swi nga ha endleka va n'wani va maxaka ya yena va ri kona kwalahawani, Alice Lewis kusuka eUtica, wa kahle swinene, nhwana wa Mukreste wo tshembheka. U hlwerile nyana kutekiwa evuton'wini, kutani u vile ni n'wana wa yena wo sungula loyi a loveke hi nkarhi lowu a tswariwa. Alice Lewis, ndzi yile enkosini ku ya n'wi vona. Ntsena ndzi vuye ndzi fika ekaya, ndzi switwile leswaku u lovile. Ndzi yile kwalahaya, a ku ri hava ni munhu ekamareni, ndzi ku, “Xana ku ni wansati kwalahawani, Manana . . .” Vito ra yena a ri Emmerke. Kutani a tekiwile hi jaha ra kahle ra Mukreste, kutani a ri nhwana wa kahle wa Mukreste. Ndzi vile na yena wa nhwana ya loye hinkwako, etindhawini hinkwato to hambanana ni swin'wana. Kutani ntsena ha hari vana, khume nhungu, khume nkaye wa malembe hi vukhale, hinkwako, Mukreste wa kahle, a ndzi kalanga ndzi tiva nchumu ha yena kambe Vukreste bya xiviri. Kutani a ndza ha ri mudyohi. Kambe a ndzi famba na yena. Ndzi yile eka . . . Kutani nuna wa yena a ri Mukreste la nga tswariwa ra vumbirhi, wanuna wa ntayiso. Kutani a ndzi kalanga ndzi switiva; ndzi switivile leswaku u lovile, ndzi swivonile ephepheni. Kutani ndzi rhelerile ndzi ya nakona a va ndzi hlamusetile. Ndzi yile lahaya eCoots, hiloko ndzi ku, “Xana a mi na yena Manana Emmerke xana?”

A ku, “Billy, u kona ekamareni lahaya.”

²¹⁸ Ndzi nghenile kwalahaya ndzi fika ndzi yima etlhelo ka bokisi. Ndzi ehleketa, “Alice, ndzi vile emunyameni wa khotso

leyi tiyisisiweke, ndzi vile etindleleni ta munyama. Mina na wena hi fambile swin'we emapatwini ni ku tsemekanya milambu, loko va ha toloverile ku va ni nkombiso wa mabyatso, a hi tshama swin'we ehansi hi yingisela vunanga byebyo loko byi chayiwa. Ehenhla nile hansi ka xindledyana, a wu ri ntombhi ya kahle njhani! Ndzi xi nkhensa njhani Xikwembu hi vutomi bya wena. Wisa, sesi wa mina la rhandzekaka, wisa eka ku rhula ka Xikwembu.”

²¹⁹ Kutani vusiku byin'wana eka xivono, kwalahaya u tile hi ku tsutsuma a ta eka mina. A ku, “Makwerhu wa mina loyi a katekeke,” kutani a fika a ti lahlela eka mina a ndzi vukarha. Oho, oho, buti na sesi, xi ndzi ncincile. A ndzi nga havi la fanaka nakambe. I xa ntiyiso! Ntsena xi—ntsena xi ntiyiso tani hiloko ndzi milangutisa, ntsena ntiyiso walowo. Swingaleswi, a ku ni ku chava. Ndzi nga ha famba vusiku byi nga si hundza.

²²⁰ Ndzi lava ku kurisa xijahetani xa mina lahaya endzhaku, Joseph. Ndzi lava ku n'wi vona ephulphitini, loko ndzi nga teka Bibele ley...loko ndzi fika endhawini ndzi lava ku vona Joseph ephulphitini a ri eku chumayeleni tani hi—tani hi wanuna lontsongo la taleke hi Moya wo Kwetsima, leri nga ni ntoto wa Moya wa Xikwembu ehenhleni ka yena. Kutani ndza pfumela leswaku u ta va muprofeta. Siku leri ndzi nga—ndzi nga—ndzi nga n'wi vona malembe ya ntsevu a nga si velekiwa, ma swi tsundzuka loko ndzi ta mi byela leswaku u le kuteni. Maswitsundzuka loko ndzi ta n'wi vitana, lahaya etlhelo ka altari, ndzi nga ri eku switiveni leswi a ndzi ri eku swivuleni, ndzi ri eku katekiseni ka vana, ndzi ku, “Joseph, wena la nga muprofeta.”

²²¹ Kutani siku rin'wana ndzi ti yimerile erivaleni ra muti, u tile eka mina, kutani a ku, “Papa, xana Yesu u ni voko ro fana na ra wena xana?”

Kutani ndzi ku, “Kunene, ina, jaha. Hikokwalaho ka yini?”

²²² A ku, “A ndzi tshamile ehenhla ka xinkanya-nkanya xa mina, ndzi hlalela Sarah” (yaloye i makwenu wa yena la n'wi tlhandlamaka) “loko a vuya ekaya ahuma exikolweni.” Ndzi tshamile lahaya. A ndzi n'wi pfumelelanga a famba hi patu, a ndzi n'wi khandziyisile endzhaku hi ndlela *leyi*. Kutani a ku, “Ndzi langutile ehenhla, kutani” a ku “loko ndzi swi endlile, a kuri ni voko ro fana ni ra wena, ri nga ni voko ra bajro basa ri nga ndzi khomelela.” Kutani a ku, “Ri yile ehenhla.” A ku, “Xana i voko ra Yesu leri ya ka ehenhla xana?” Ndzi langutile manana, manana a languta mina. Hi yile eka manana Wood. Hambi u kwihi, u kona lahwani. Hi n'wi vutisisile swivutiso, endzhaku nile mahlweni, hi tindlela hinkwato leti hi nga ti kota. A kuri xivono. U xi vonile. Loko ndzi vonile nkama lowu xijahetani Joseph a yimeke...loko i ngi ndzi nga hanya ndzi ta n'wi vona loko a teka, loko Yesu a hwela.

²²³ Kutani ndzi mukhalabya, malebvu ya timpfu ya ncikinyha enhan'wini ya mina lahawani. Ndzi rhumerile...ndza ha lava ku rhumela magidi mambirhi kumbe manharhu ya mamiliyon i ya mimoya eka Kreste loko swi nga koteka. I ntirho wa mina ku chumayela Evhangeli eka yinhla yin'wana ni yin'wana ya misava. Ina, nkulukumba. Swingaleswi, ndzi pfune, Xikwembu, ndzi ta swi endla. Swingaleswi, loko ndzi vona nkarhi walowo wu fika, Makwerhu Mike.

²²⁴ Ndzi nga ha languta hi nkarhi lowu Manana, Meda, ndzi n'wi vitana, murhandziwa wa mina, wa vona, u...ha dyuhala, vonani misisi ya yena yi hundzuka yi va ni timpfi, ma hi vona ha famba, ha nyamalala.

²²⁵ Rebekah, ndza ti nyungubyisa hi Rebekah. Mudyondzisi wa yena wa vuyimbeleri u ndzi byerile madyambu man'wana, a ku, "Mina, loko a nga ya emahlweni ni sweswo, Makwerhu Branham," a ku, "swa tika ku vula leswi a nga ta swi endla." Wa vona, kuya emahlweni ni vuyimbeleri. Ndza n'wi lava, nakona ndzi lava...ndza lava Sarah eka oghene, Becky eka piyano, ndzi lava Joseph ephulphitini.

²²⁶ Loko ndzi vona sweswo swi humeleta, kutani mina ni Manana hi ta dedeleka hi nghena, mina ni kheyini ya mina ya khale, madyambu man'wana, ndzi ta hi patu, kutani ndzi nga languta lahaya kutani ndzi nga ha vona xijahetani xa mina xi yimile lahaya xi ri ni ntoto wa Moya wo Kwetsima, xi ri ku chumayeleni ka Evhangeli yo fana ni ya leyi. Ndzi lava ku teka Buku leyi ya khale, kutani ndzi ku, "N'wananga, hi Leyi, I ya wena. U yima hi Yona, u nga tshiki ntiyiso wa Rito na rin'we. U tshama na Rona, murhandziwa. U nga, u ngavi na mhaka, a ndzi na mhaka ni leswaku i mani a ku lwisaka, loyi a lwsanaka, Xikwembu xi tava na wena. U chumayela Rito rin'wana ni rin'wana ntsena hi ndlela leyi Ri tsariweke ha yona Kwalahaya, kutani Papa u ta ku vona loko u tsemekanya nambu." Ndzi ta tsakela ku va kwalahaya ndzi n'wi teka ndzi n'wi tlakula, nsati wa mina, kutani hi tsemekanya Yordan.

²²⁷ Ku kondza nkarhi walowo, Xikwembu, ndzi pfumelei ndzi tshama ensin'wini, hiku tshembheka! Ndzi pfumeleri! A ndzi na mhaka leswaku swi durhisa kuyini, kumbe i swingani, leswi ndzi swi endlaka, kumbe *leswi, sweswo* kumbe *swin'wana*. Ndzi pfumeleri ndzi tshembheka ni ntiyiso eka Rito ra Xikwembu lexi hanyaka, leswaku loko siku lero ri fika kutani ndzi tsemakanya lahaya, kutani ndzi nga ha languta hi ku tsemakanya kutani ndzi ku, "Kwalaho u nga kona. Oho, munghana wa mina wa nkoka, buti wa mina wa nkoka, sesi wa mina wa nkoka."

²²⁸ Muchumayeri lontsongo, nghena ensin'wini, tshama u panini. Hinkwenu n'wina vachumayeri lavantsongo ni swin'wana, mi nga tshami. Mi nga tshami ehansi mi nga endli

nchumu. Humani mi ya ehandle mi ya wina mimoya. Endlani swin'wana! Yanani emahlweni, kumekani mi ri ekufambeni. Mi nga yimi, n'wina vachumayeri lava ntsongo kwalaho. Xikwembu a xi katekisi timbilu ta n'wina.

²²⁹ U ndzi tsundzuxa loko ndza ha ri eka xiyimo xexo, ndza bvumbha, kumbe ndzi ri ntsongo nyana eka yena. A ndzi ri ni kwalomu ka makume mbirhi wa malembe hi vukhale loko ndzi ta vekela ribye lero ra yinhla kwalahaya. Ndza tsundzuka a ndzi tala ku ambala jasi ra wasi ni tiburuku to basa, kutani ndzi yima kwalahaya ndzi vekela ribye lero ra yinhla kwalomu ka makume nharhu-n'we wa malembe lawa ya nga hundza. Ma swivona leswaku ndzi wa khale njhani, ntsena a ndza ha ri jaha. Ntsena ndzi yima kwalahaya, ndzi vekela ribye lero ra yinhla. A ndzi kalanga ndzi tshika ntiyiso eka Rito na rin'we. Ndzi Ri hlaysile ntsena ku fana ni loko ndzi vekela ribye lero ra yinhla. Emahlweni kuri ni vumbhoni bya mina byi ri emahlweni, laha ndzi byi tsaleke eka tluka leri ri hahaka ra Bibele, kutani ndzi ri handzula ndzi ri vekela eka ribye lero ra yinhla, kutani ra ha tshamisile xisweswo kwalahaya. Kutani byi nga va byi tsariwile eka tipheji ta Rito ra Xikwembu lexi nga Heriki eTilweni. Mi nge ndzi yima hi ntuyiso ku ya fika emakumu.

A hi korhamiseni tinhloko ta hina ntsena xinkadyana hi ta khongela.

²³⁰ Hi ku pfala madyambu lawa, hi ku pfala leswi, papila rin'wana, leri ri nga lulamangiki. Mi fanele kuva ni rin'wana, ni hi laha a nga fambisa xiswona ku ya emahlweni ni ku tshamisisa kereke endhawini ya yona. Ndzi ta mi kumela swona nkarhi wun'wana, loko Hosi yi swi rhandza. Ndzi fanele ndzi wisa nyana sweswi ndzi nga se ya eChautauqua lahaya, kuya eka nhlengeletano yin'wana leyikulu, kutani ndzi ta tsemekanya kusuka kwalaho kuya eOklahoma.



KU HLAYISIWA

Hungu leri hi Makwerhu William Marrion Branham ri sungule ri chumayeriwa hi Xinghezi eBranham Tabernakel eJeffersonville, Indiana, U.S.A., ri susiwile eka thepi yo kandziyisa ya maginetiki ri tsariwa ri nga khomananga hi Xinghezi. Hundzuluxo lowu wa Xitsonga wu tsariwile wu tlhela wu hangalasiwa hi Voice Of God Recordings.

TSONGA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org